

Ho AMOHELA TSEL A EA

MOLIMO E HLOPHISITSOENG

NAKONG EA QETELO

 [Moena Carl Williams o re, “U phela joang, Moena Branham?”—Mohl.] U phela joang, Moena Carl? Botle. Ke a leboha. [Moena Williams o bua le phutheho, “Le ka lula fatše, hleng.”] Hulela setulo se seng morao. Ho lokile. Na ebe ke sa ka? [“E.”] Hum! Ke sena.

² Be, ruri ho monate ho khutlela tlung ea Morena, bosiung bona, ’me haholo ena, hobane nkile ka fuoa monyetla oa ho khakola ntlu ena ea Morena, nakoana e fetileng, mohla Moena Sharrit oa rōna ea theko e thata a neng a haha nqalo ena. ’Me eaba re e khakolela ho Morena tšebeletsong ea Hae. ’Me ho hotle ho kena tlung ea Molimo nako efe. Ha se eona? [Phutheho e re, “Amen.”—Mohl.] Ke tulo e ntłe haholo ho kena ho eona.

³ ’Me tlase mona lebatooeng le hoammeng lena, moo ho . . . Ke theohetse mona ho balehela boso bo batang, ’me ke kene ho bona hantle. Ke itse maobane bosiu, “Ke tšepa ke sa tlisa bothata bona bohole.” Be, le a tseba, ba re mariha a kena phomolong ea oona kantle mona. ’Me mohlomong mariha a tlide ho nyarela, ho bona kamoo litaba li emeng kateng. Empa ho monate ho—ho fihla mona nakong efe.

⁴ Haesale ke arubelitsoe ke e—e na le maikutlo bakeng sa Phoenix, ho tloha boshanyaneng. Ke rata Phoenix. ’Me Phoenix ebole tulo ea ka ea pele ho rerele bathong bao eseng batho ba morabe o mosoeu. E ne e le Maindia. Ke ile ka nyolohela setsheng seo. Ke kholoa batho ba le teng bosiu bona ba mkhopolang ke etsetsa Molimo tšepiso kalaneng: haeba A ka folisa lekhoba la tahi le mosali ea tšoeroeng ke lefuba, ke tla ea bobolokelong ho—ho sebeletsa Maindia. ’Me ba ile ba nkhopotsa eona. ’Me eaba ba folisoa ba babeli. ’Me ka nyolohela Bobolokelong ba MaApache, ’me teng Morena a re baballa ka tlholo e khõlõ.

⁵ Ha ke hopole lebitso la leleiti leo le neng le folisoe mofetše holimō mono. E ne e le bothata bo tsoileng ka mahetla. Ke a kholoa e ne e le momishinari holimō mono, e leng Assemblies of God, haeba ke hopola hoo hantle. Re ne re ile le eëna, Mitchell. ’Me ke hantle. Motha o teng mona ea neng a le teng holimō mono mehleng eo liahelong, bosiung boo? Ke ile ka nahana . . . E. Ke hantle.

⁶ Ke—ke ile ka hopola ke tla hula ka falese. Ke—ke sa khone hore ba ka utloisia seo ke se bolelang. Nke ke ka lebala bosiu boo. Ho e na le . . . khale hoba ke qete ho rera nakoana, le ho ba bolella ka Kreste. Ke ne ke eme methating ea holo ea mishone. 'Me sebaka se tletse bona, hape ba tletse hohla kantle. Ka hona ke ntse ke buisana le bona. 'Me ntho e le 'ngoe e tsoileng ka mahetla, bosiung boo, ho ena le—le moena oa khale oa Moindia ba mo kentse ka boto, 'me khale ho ella hoseng. 'Me ba—ba kolobile, ba qapulitse ba tsetse e—e noka. Ba hata holim'a majoe tlase mono, nqa e 'ngoe, ho mo kenya kahare.

⁷ Ka botsa mothaka e mocha. Ka re, "Ha u tšabe hore u tla tšoaroa ke lefu la matšoafō?"

A re, "Jesu Kreste o a ntlhokomela. Ke tlisitse dedi oa ka."

"Botle." Ka re, "Na u a lumela o tla fola?"

"E."

⁸ O ne a reketlisoa ke letoope. A jeroe ke bashanyana ba babeli. Ka rapella monna oa leqheku.

⁹ Hamorao ka utloa ntho e hooeletsa. Ho sheba fatše; monna oa leqheku a jere boto mokokotlong oa hae, a likoloha, a tsokolets a bohole matsoho. Tumelo e paala feela ho lumela, ke phetho se hlokoang.

¹⁰ Ke hopola bosiu boo, mosalimoholo oa khale oa Leindia, o ne a forile moriri halelele o lepeletse. 'Me a ikokotlela ka melangoana, 'me e teiloe lapeng, bao, ntho e kang melangoana ea mafielo e nang le sekotoana sa boto holim'a eona, ho kang thupa ea peli-ka-'ne, ha ntoo thateloa ka masela. 'Me, ruri, ea tlang khetlo le latelang e ne e le . . . O ne a le moleng, a tsoa kahara köpano. Empa ho ena le nthoana, mohlankana oa Moindia, mothoana ea shebehang a koenne haholo. A etile ba bang bohole pele ho kena, ho kena moleng. 'Me mothoana oa batho a ntse a leka ho ntša melangoana ea hae. 'Me o ne a bone lipholiso tse peli kapa tse tharo pele a kena moleng.

¹¹ 'Me ka nahana, eitseha a nc̄heba, masoebehali ao a tebileng, a maholo, likeleli li ithatika likoting tseo tsa marama a hae, ka nahana, "Ke 'mè oa motho e mong." Ha ke a re letho ho eēna, ha ke a mo rapella, le letho. A mpa a nc̄heba feela. 'Me hoba a etse, a 'neheletsa melangoana a ntoo tloha a ikela, habonolo hakaalo feela.

¹² Mora oa ka o ntse a leka ho nqhoaea holimō mona. Na u utloa hantle ho feta? Ke balile pale kajeno ea e—e—e kolobe e isoang serapelang, 'me ke kholoa le eleletsoe. [Motho o lōkisa maekrofono oa Moena Branham—Mohl.] Joale, e utloahala hantle ho feta, le hona. Bophelo bo tsamaea joalo. Bo hlametsoe mafito le hona, na ha bo joalo?

¹³ Joale batho ba eme, 'me—'me ha re—ha re batle ho nka nako e 'ngoe haeba re ka thusa. 'Me le batho ba lōkileng haholo, ebile ke—ke batla ho bua le lōna halelele.

¹⁴ 'Me mona re tlie ho etela Full Gospel Business Men's Fellowship. 'Me seboka sa mantlha se tšoaretsoe koana Ramada, ho qalella karolo ea ho qetela ea . . . Ha re boneng, letsatsi leo ke lefe? [Motho o re, "Mashopeli-nne." —Mohl.] Mashopeli-nne. Mashopeli-nne ho haola ka la mashopeli-robeli, mane Ramada Inn. 'Me ho tla fihla libui tse ling tse babatsehang mono, Moena Oral Roberts le ba bang ba bangata. 'Me ke . . . Ka tloaelo re ba le nako e monate. Seo, ha batla ba phutheha joalo, re kena nakong e khōlō Ramada Inn ena.

¹⁵ 'Na le Moena Oral re ka 'na ra tšoara tšebeletso ea pholiso mono. U ke ke oa bolela. Taba eo e ka itōkela feela. Yaa. Ka hona—ka hona ha re—ha re eso tšoare e 'ngoe 'moho. Ha ke tsebe seo a tlang ho se nahana ka ho tšoara e 'ngoe, eèna le 'na 'moho, empa ke ikemiseltse. Haeba a ka 'mamella, khele, re tla leka, le ho rapella bakuli ke hona.

¹⁶ 'Me ha re eso tšoare litšebeletso tsa pholiso, haeba le hlokometse. Ha re eso ntše litlankana tsa thapelo kapa letho, ka baka la khatellano ea likerekana, le a tseba. 'Me batho, u batla u sa khone le ho kenya batho kahare le ho tsoa. 'Me hape ha u etsa hoo, ke pherekano ea ho tsoakana hohle, 'me molaoli oa mollo a ke ke a e ananela. Ka hona re batla re phumutse litšebeletso tsa pholiso hakana likōpanong, le ho leka feela ho tlisa Molaetsa o bonolo feela, oa Evangel. Ho . . . 'Me boteng ba lōna, le tšebelisano le 'na, le thapelo ea lōna bakeng sa ka, li nkhothaletsa ho ba mona. 'Me ke tšepa melaetsanyana e le kthothaletsa ho tsoelapele, ho phelela Kreste.

¹⁷ 'Me ke a elelloa, hangata, batho ba tloha kerekeng e 'ngoe ho ea ho e 'ngoe. 'Me ha ho le joalo bohole re a tloaelana, 'me—'me re hlile re ba . . . bakhotsi ba makoma. Ke rata seo. Re ka mpa ra itulela hammoho mona, libakeng tsa Maholimō, hobane re ea tulong ea mofuta oo moo re tla ba 'moho sebakeng sa Maholimō, Leholimōng.

¹⁸ Ke nyatsitsoe nakoana ka lengolo letsatsi le leng. E ka fetisoa re sa ntse re hlophisa maikutlo a lōna. Moreri ofe o a tseba, u tšoanelo ho bua se seng, ho ikhomahanya le letšoelie, le letšoelie ho uena. Ho ne ho ena le . . .

¹⁹ Borakhoebo ba ne ba hlahisitse seratsoana nthong ea bona . . . ho Business Men's Voice, ea—ea nthoana . . . Ke a kholoa re ka e bitsa feela pono. 'Me e ne e batla e fapane, ka tloaelo, le lipono tsa ka. Ke ne ke . . . ho nkuoa ho moo ke neng ke le teng, holimō. Shebang, ho 'na e batla e se holingoana le marulelo a moaho oo. 'Me ke le tulong e nngoe teng ka bona bao bohole ba seng ba iketse. Bongata ba lōna le balile seratsoana, ehlile. 'Me

ka mono, hoba A mpolelle hore bao e ne e le... hore e ne e le bomang, 'me bohole ba le bacha hape. 'Me e le ba 'nete...

²⁰ Haesale ke tšabile ho shoa. E seng ho tšaba hobane nka lahleha, empa ke sa batle ho ba moea. Ke mpa feela... Ke batla ho ba motho, monna. Hoba, haesale ke utloisia joaloka monna, ho tsukutla batho ka matsoho. Ke ntso nahana, "Ho ka thoeng ha nka fihla mono 'me ke kópane le Moena Rose, 'me e le nthoana, lerus le lesoana kapa ho hong? Ke a tseba hore e ne e le Moena Rose, ka thusakutlo e itseng, empa ke sa khone ho tsukutla letsoho la hae. Ke sa khone ho buisana le eëna. Kapa..." Ke—ke ne ke ipotsa, "Na ho ke ke ha tšabeha?" Empa, ka nahana, "Etlare mohla ke khutlang, ehlile, ke tla kena tsohong."

²¹ Lengolo leo le eso ntlhakele pele, ho re, "Ekare ha tabernakele ena ea lefatše e senyeha, re na le e re emetseng."

²² Ka hona hoseng hoo, ke ne ke phaphame. Ke ntse ke nahanne, "Moshanyana, u lilemo li mashome a mahlano. Haeba u batla ho etsetsa Morena letho, u mpe u potlake. U tlil'o tsofala haholo, ka mora nakoana."

²³ 'Me hang feela, ka hapeloa tulong ena, 'me ke khona ho hetla ke ntso sheba ke ipona tlase mona. Ha ke eso hlaheloe ke boiphihlelo boo. Ke bone lipono hangata ka bona ke eme nqa e 'ngoe, 'me hape... Oh, haeba u sa e utloisise, u ka hopola hobane u lahlehetsoe ke kelello. Uena, u *mona*, u ntse u ichebile *mane*. 'Me u ntano falla *mona*, 'me u kahare ho uena *mane*. Uh-huh. Ekaba morao koana, lilemo kapele, le joalo-joalo. Ho thata ho e hhalosa. Ha u khone. U ke ke oa e hhalosa.

²⁴ U ke ke oa hhalosa Molimo. U tlameha ho lumela ho Oona. Le a bona? Ha u ka khona ho e hhalosa, ha e sa hhole e le tumelo. U tlameha ho e lumela feela.

²⁵ 'Me hoba A mpolelle, ka ho bona batho bana bohole, 'me bao e le... Ba ne ba e na le mebele. Bao... Ba ke ke ba etsa sebe. Banna le basali... Basali bao ba ne ba nkopela, 'me e ne e le basali. Empa khonahalo ea sebe e sa hhole e le teng hape, hobane, le a bona, maro a mebele ea röna a tla be a fetotsoe mono. Re na le... Re bong bo fapaneng joale, hobane mororo ke ho ata lefatšeng, 'me la röna—'me lenyalo la röna ke ho tlisa. Empa mono ha e sa hlokahala. Bana ha ba sa tla tsoaloa. Ha re sa tla ba le maro a bong lefatšeng le lecha, le a bona, ho hang. Empa, koana, mosali e tla ba mosali, ka seemo. 'Me le banna e tla ba banna. Empa har'a bona ha ho sa tla ba e motona le e motšehali, ka mokhoa oo. 'Me maro ao ha a sa tla ba teng kahare, ha ho kamoo Satane a ka ba qhekanyetsang ho hang. Ka hona, lebakeng leo, eaba ke a lemoha.

²⁶ Basali bana ba matha ba nkopela ka liphaka tsa bona, le ho re, "Moena oa röna ea theko e thata, ke thabetse ha u le teng mona." Joale, e ne e hlolla. Bao bohole, ba bacha, bohole e le basali ba batle ka ho fetisa, moriri o molelele, mese e melelele, le a

tseba, e kang likobo, likobo tse bosoeu bo kang silika. 'Me ba le batle hle!

²⁷ Eaba mona ho hlaha baena, feela... 'Me e le likhabane tseo nkileng ka li bona le ka mohla, bohole ba le lilemong tsa bomashome a mabeli. 'Me mahlo a bona, a phatsima. Bao, oh, feela e le monna ounse ka 'ngoe. 'Me ka ipotsa. 'Me ba ne ba mphahamisa ba nkopela ka liphaka 'me ba re, "Moena oa rōna ea theko e thata."

²⁸ Ka ipotsa joang. Ka sheba morao tlase 'me ka ipona tlase *mona*, koana, ke robetse. Be, joale, ho nahana, "Ho a makatsa." 'Me eaba ke a botsa.

²⁹ Ha ntano nyoloha leleiti le letle haholo la sebele, a nkopela ka liphaka tsa hae, ho re, "Oh, Moena Branham, re thabile haholo ha u le teng mona, moena oa rōna ea theko e thata."

³⁰ Ka mo sheba, ka nako ha a tloha. 'Me Puo eo e ntse e buisana le 'na, ho re, "Ha u sa mo tseba?"

Ka re, "Ha ke—ke khone."

Ho re, "O ne a tlotse mashome a robong mohla u mo tataisettsang ho Kreste."

³¹ 'Me e ne e le eo, nthoana e ntle ka ho fetisia eo nkileng ka e shalima, ka mokhoa oa mosali. 'Me ka re, "Ha ho makatse a itse 'Moena ea theko e thata.'" Le a bona? Joale ha a sa tla fetoha le ka mohla. O joalo ka Bosafeleng.

Ka re, "Ke batla ho bona Jesu."

³² Ho re, "O holingoana ho feta sena. Ka letsatsi le leng O tla khutla, 'me u tla ahloloa ka Evangelie eo u e rerileng, hoba u ne u le moetapele."

Ka re, "Be, na ebe Pauluse o tla ahloloa ka letšoele la hae?"

A re, "E."

Ka re, "Ke rerile eona Evangelie ea hae. Ka tšoanelo eo a E boletseng feela, le 'na ke E boletse joalo."

³³ 'Me mantsoe a limilione ao a hooeletsa, "Re phomotse holim'a taba Eo."

³⁴ Eaba ho etsahala ntho e hlollang. Nkile ka rua pere, ea qhana, 'me ke—ke e reile Prince. 'Me ke hlile ke rata katola eo ea khale. Ke e kalla hoseng ho hong le ho hong, pele ho sekolo, ho cheha maraba a ka. 'Me ka bona katola ena ea khale e nyoloha e ntobile, ea tšetleha hlooho ea eona lehetleng la ka, ea honotha. 'Me ka e phathatsa. Ka re, "Prince, ke tsebile u tla ba teng mona." 'Me ka utloa ntho e 'nyekang letsoho. E ne e le ntja ea ka ea khale e tsomang k'huni. E kile ea nkenya sekolo, ea nthekekela liaparo, ka ho tsoma. Ka re, "Prince, kapa Fritz, ke tsebile u tla ba teng mona le uena."

Ka ntoo utloa ho etsahala ho hong. Ke ne ke khutlela morao.

³⁵ Taba eo e ne e ngotsoe ho Christian Business Men's Voice. 'Me eaba moreri o ngolla lengolo letsatsi le leng. A re, "Ke ananetse pono eo, Moena Branham. E utloahetse hantle haholo hofihela u bua ka lipere. Leholimō le etselitsoe bana ba batho. Ha ho ntho e joaloka lipere Leholimōng."

³⁶ Be, ka re, ka mo arabela. Ka re, "Moena, ha ke a itlaleha ke ne ke le Leholimōng. Ke botsitse moo Jesu a neng a le teng, 'me le joale A sa ntse a le ka nqane." Ka re, "Empa haeba taba ena e ka u thusa nakoana, buka ea Tšenolo, e re, 'Mohla Jesu a neng a tloha Maholimōng a maholimōng, O ne a kaletse katola e tšoeu.' 'Me le makhotla ohle a Leholimō a Mo latetse, a kaletse likatola tse tšoeu. Le a bona? Ka hona hoo ho hlahile Leholimōng la maholimō."

³⁷ 'Me se nthabisitseng, ha ke qala ke khutla, A re, "Sohle seo u kileng oa se rata, le sohle se kileng sa u rata, Molimo o u neile sona."

³⁸ Ka letsatsi le leng le khanyang, ka mose oane, ho tla be ho fapanie. Ke mpa feela ke sa khone... Le ke ke la khona, lōna batho, la fosa nqalo eo. O se e etse. Leha u ka etsang, etsa... Se tšabeng. Tšabo ha e hlokahale. Ha ho letho le ka tšabjoang.

³⁹ Oh, eitseha ke nahana ho khutlela morao, ka hlonama. "Na ke tlameha ho khutlela morao hape? Na ke tlameha ho khutla, ho seo ke tšabileng ho ba sona?" Le a bona? 'Me mohla re kenang 'meleng oa tsoho, ke mohla re tla ja re noa. Ba ne ba sa je ba sa noe. Ba ne ba sa hloke ho ja le ho noa. Ba ne ba lebe nqa efe, ba ne ba sa khathale. E ne e le feela... Ha ho lentsoe leo nka le qhanehang. E ne e phethahetse; le ke ke la e tšoanelia. Le ka nqane ho seo nka se bitsang phetheho. Bao—bao ba ne ba fihlile feela, e ne e le eona, mono—mono tulong eo, 'me e ne e babatseha.

⁴⁰ Ka hona, oh, mamelang, metsoalle. Ke—ke hopola kelello ea ka e hlaphohetsoe, 'me ke—ke—ke a tseba e utloahala e makatsa. Empa ha ke eso khone, le ho leka le ka mohla, ho hhalosetsa batho lintho tsena. Lintho tse ngata tse e leng... Li a sita ho hhalosoa. 'Me u ka ferekanya kelello ea batho feela. Empa holane nka khona, ka ikutloa ho etsa joalo, e ka harola letsoalo.

⁴¹ Empa lemohang taba ena. Ke bua taba ena. Se tšabeng. Lefu ke setšosa feela, ho leka ho le thibela se seng. Khele, ke ntho e khanyang hakakang! E ka nqane ho ntho efe eo u ka e nahananang. Ha ho makatse Bibele e itse, "Leihlo ha le eso bone, tsebe ha eso utloe, le lipelō tsa batho ha li eso chabeloe ke seo Molimo o se boloketseng ba O ratang." Oh, feela ho boha mose ho lesira la nako! Hape, ke lekile ka thata ho feta pele bophelong ba ka, ho leka ho hapela batho ho Kreste, ho tloha mohlang oo. Le ke ke la khona ho e fosa. Le se ke la etsa joalo. Etsa bonnate ba hore u lōkile ho Molimo, 'me lintho tse ling li tla itōkela.

⁴² Joale, fatše mona ke ngotse linthla tse 'maloa, ke hopotse ho bua ka tsona bosius bona. 'Me kea kholoa hosane bosiu re

holimō koana, limaele tse ka bang mashome a mabeli ho tloha mona, kapa ho feta. Mesa, ke a lumela ke eona. Mesa. Na ke Mesa? Mesa. 'Me bosiu bo hlahlamang ke mane Tempe, Tempe. 'Me ke tšoere lenane-tlhophiso mokotleng oa ka mona, ho tsoa pampiring eo Moena Williams a mphileng eona. Empa, esale ke le maphathe, le joale ha ke eso le hlahlobe. Billy o fihla feela 'me o a nkuka, le ho re, "Re ea *hore-le-hore* le *hore-le-hore*, 'me ke rōna bana re tloha." E re ha ke fihla mona, a leke ho mpipetsa. [Phutheho e a tše—Mohl.]

⁴³ Joale, na e mong le e mong o ikutloa a apere khalalelo kannete? E reng, "Amen," haeba le le joalo. [Phutheho e re, "Amen."—Mohl.] Ho hotle haholo. Ke botle. Joale, ha re inamiseng lihlooho tsa rōna joale.

⁴⁴ Joalokaha, re sa tsoa etsa, ka mokhoanyana oa rōna oa ho qabola le ho hlalosa. Re bana, 'me re a phutheha 'me re qoqa joaloka bana. 'Me re . . . Esita le Molimo o bokhoni ho qabola, le a tseba.

⁴⁵ Ka hona ha re inamiseng lihlooho tsa rōna joale re buisane le Oona pele re bala Lentsoe la Oona. Re sa inamisitse lihlooho tsa rōna, na ba teng ka mona ba qelang thapelo? E ka tsebisoa ka letsoho la hau le phahameng. Molimo a le hlohonolofatse. Ha re inamiseng lihlooho tsa rōna joale.

⁴⁶ Ntata rōna oa Leholimō, re kena ka pel'a Sefahleho sa Hau joale re sa inamisa lihlooho tsa rōna le lipelō ka boikokobetso. Re atamela ka tumelo, re tšeleta ka nqane ho khoeli le linaleli, nqa Terone ea Molimo, ka Lebitso la Morena Jesu, kaha re khotsoe hobane ha re tla ka Lebitso la Hae U tla re utloa. Re tla amoheloa ka pel'a Sefahleho sa Hau ka Lebitso la Hae. Ke monyetla o mokakang oo, ho itseba re amohetsoe ka pel'a Sefahleho sa Molimo, ka Lebitso la Jesu Kreste.

⁴⁷ 'Me O re boleletse, Ntate, eng le eng eo re e kōpileng ka Lebitso la Hae, hore Uena, ka mohau le ka lerekō la Hau le khaphatsehang, o tla re leballa libe tsa rōna le ho re neha takatso ea rōna. Ntate, re thabetse hoo haholo. Ha ho letho leo re ka le nahanaang, e ka bang monyetla o phahameng ho feta, ho feta ho fuoa monyetla ona.

⁴⁸ Ekaba monyetla ho rōna baahi ba Maamerika ho atamela mopresidente oa rōna. 'Me sohle seo re ka tlamehang ho se etsa, ho feta, ho atamela mopresidente nakoana le motsotsotso feela, ho utsoa nako ea lenaneo la hae le maphathe. Re ka tlameha ho fetisoa liofising, le—le ka mokhoa ofe, ho ka tla, ra tlameha ho porota mabaka a rōna, le—le ho tlameha ho hlahljoja pele re ka fuoa monyetla oo.

⁴⁹ Empa, ho e nahana: Molimo, 'Mopi oa maholimō le lefatše, o re shebeletse ho atamela. Rōna, baetsalibe ba se nang tokelo, O re emetse ho atamela ka Lebitso la Morena Jesu, ka kholiseho e reng re tla fuoa seo re se kōpang, ha re ka lumela hobane re

tlā khona. Hape, re tla beha liqelo tsa rōna leihlo le ho itseba re ke ke ra bua ka bothoto kapa ho kōpa ka bothoto. 'Me ha re ka khona, re U rapela ho re leballa, Morena.

⁵⁰ 'Me bosiung bona re kōpela le leng le le leng la matsoho a neng a phahame mohau. Liqelo tsa bona li abeloe bona, Morena. Ba ke ba utloe tiisetso eo pelōng ea bona hantle joale, hore, e re re sa le ka pel'a Sefahleho sa Hau, hore, etlereha re bula mahlo a rōna re phahamisa lihlooho tsa rōna ho tsoa leroleng, ho tsoa moo U re bopileng teng, re ke re utloe ho ankoriloe tiisetso eo e reng re neiloe seo re se kōpileng.

⁵¹ Re kōpela bao, Morena, mohlomong ba leng kahara mohaho bosiung bona, ba eso kene ka pel'a Sefahleho sa Hau ka mokhoa oa thapelo, ho kōpa teballo ea sebe. Ho boleloe taba bosiung bona, kapa ho etsoe taba, kapa khato e itseng ea Moea o Halalelang e tlāng ho thothometsa lipelō tsa bona le ho kōpa mohau oo leballang.

⁵² Folisa bakuli. Morena, re U rapela ho ba abela, bosiung bona, tiisetso e tlalehang joale ho rapeloa thapelo ea tumelo. "'Me e tla pholosa mobabi." Hoba re ka rialo, ra eketsa sena, ra re ke HO RIALO MORENA, hoba e ngotsoe Lentsoeng la Morena.

⁵³ Joale, Ntate, re U rapela kajeno ho hlohonolofatsa litšoaelonyana tsena tse hlahisitsoeng mona bakeng sa Lentsoe la Hau. Ntša palong ena therō e lebisoang pelōng e 'ngoe le e 'ngoe. 'Me ha nka sitoa ka mokhoa, Morena, ka fosa tlolo ea Moea o Halalelang, ka mohau oa Oona o Mokhethoaa ho fetisa Lentsoe ho le bea moo le hlokoang pelōng. 'Me rōna bosiung bona re bone letsoho la Eamatlaohle le otolleloa boahlamong ba moaho ona, le ho etsa lintho tse tlāng ho tlolisa 'me li khaphatseha holim'a tsohle tseo re ka li etsang kapa ra li nahana. Etleha re falla bosiung bona re ea malapeng a rōna a fapaneng, re tsebe ho bua joaloka ba tsoileng Emmause, "Ana lipelō tsa rōna li ne li sa chese kahare ho rōna, ha A ntse a buisana le rōna tseleng" Hoba re e kopa ka Lebitso la Hae. Amen.

⁵⁴ Joale, batho ba bangata ba rata ho ngola fatše, mohlolithero o sebelisoang ke moreri. 'Me 'na, haeba le lakalitse joale, ke rata ho bala libaka tse peli Mongolong o Halalelang. Teng ke, ho Genese khaolo ea 22, re tla qala pele re bala. 'Me e ntano ba ho Santa Johanne 12:32, re tla bala mokheketho oa bobeli oa Lengolo. Joale, ho Johanne . . . Ho Genese 22, re qala ka temana ea 7 ea khaolo ea 22.

Eaba Isaaka o bua le Abrahama ntatae, a re, Ntate: a re, Ke 'nna enoa, mora ka. A re, Mollo le patsi ke tsena: empa nku ya secheso e kae?

Abrahama re, Mora ka, Molimo o tla iponela nku eo ea secheso: eaba ba tsamaea ba babeli hammoho.

⁵⁵ 'Me joale ho Santa Johanne 12:32, re bala Mantsoe ana a tsoang melomong ea Morena oa rōna.

'Me 'na, etlare hobane ke nyolloe lefatšeng, ke tla hulela batho bohole ho 'na.

⁵⁶ 'Me joale thero eo ke ratang ho bua ho tsoa ho eona, holim'a taba ena, ke, "Ho amohela tsela ea Molimo e hlophisisitsoeng bakeng sa nako ea qetelo." Ntumelleng ho e qotsa hape, hobane, holim'a liteipi, ke lumela ba ntse ba hatisa Melaetsa ena, 'me liteiping tsa röna, ke rerile lithero tse makholo a mahlano ke a kholoa, ba tšoere ntho e batlang e tšoana le eona, feela e seng sena ka tšoanelo. *Ho Amohela Tsela Ea Molimo E Hlophisisitsoeng Nakong Ea Qetelo.*

⁵⁷ Le a tseba, li ngata litsela tseo—tseo batho ba li nkang, empa ruri motho a ka ikhethela litsela tse peli feela, eona, ke tsela e lökileng le tsela e phoso. 'Me röna bohole mona, bosiung bona, re kene ho e 'ngoe ea litsela tseo, e lökileng kapa e phoso. Ha se lipakeng. Jesu o itse, "U ke ke oa sebeletsa Molimo le *mmamona*," e bolelang, "lefatše." Re nèpile kapa re a fosa.

⁵⁸ 'Me ha re ka fapoha tsela ea röna feela, ke ona feela mokhoa oa ho kena tseleng ea Molimo. 'Me lintho tsohle Molimo o li hlophiselitse tsela. O hlophisisitse tsela. 'Me moo re kenang khathatsong, keha re sa sale tsela eo morao, le—le ho lohella litsela tsa röna ho Eona. 'Me khopamiso e hlaha moo. 'Me ntho efe e khopamisisitsoeng ha e—ha e tšepahale. Ka hona, Molimo o na le tsela. 'Me ha re shebeng tse ling tsa litsela tsa Oona.

⁵⁹ Ha re nkeng ho hong tlhahong. Hobane, tlhaho ebile Bibele ea ka ea pele. Ke a tseba Molimo ke 'Mopi, 'me O bopile tlhaho. 'Me O phela tlhahong ea Oona, tlhahong.

⁶⁰ Ha re nkeng, ho tea mohlala, sefate. Ke sa tsoa emisa tlasa se seng, nakoana e fetileng mono, kapa Billy, 'me se metse makala. 'Me ka bona hobane mahlaku a foforeha. Joale, ha re eso khone, 'me ha re sa tla khona, ho fumanela sefate tsela e fetisang ho pata bophelo ba sona mehleng ea mariha, ka nqane ho tsela e hlahisisitsoeng ke Molimo ho pata bophelo ba sona.

⁶¹ Joale, ho ka thoeng holane ra leka ho betla tsela e 'ngoe e hosele le ea tloaelo ea sefate? Holane Phato ka 'ngoe kapa Loetse, haholo naheng eo ke tsoang ho eona, Leboea, holane ra tlameha ho tsoela morung oa liapole ra itholla mofuta oa e—oa thepa ra e sunya sefateng, ha re re ka Phato hoba liapole li butsoe, le ho momona bophelo sefateng ra bo beha tulong e futhumetseng hamonate, ra bo baballa nakong ea mariha, bophelo boo, ho monya bophelo sefateng, le ho bo beha kahara setšeli se futhumetseng hamonate ra bo boloka hofihlela Selemo, le ho bo entela sefateng hape? Le a tseba, hoo ho ke ke ha sebetsa le ka mohla. E ke ke ea eba joalo. 'Me ho leka ho e etsa ho ka bolaea sefate feela.

⁶² Empa Molimo o ralile tsela ea ho hlokomela bophelo boo mehleng ea mariha. Molimo o entse tsela. Ka ho tseba mariha a tla tšoara sefate, O se etselitse tsela. Ke fuoe monyetla oa ho

tataisetsa mohanyetsi oa lilemo tse mashome a supileng le metso e mehlano ho Kreste, ka seo, nakoana e fetileng.

⁶³ Mongh. Wood, moahisane oa ka, 'me e ne e le Paki ea Jehova ka tumelo. 'Me moshanyana oa hae a holofetse, moomo oa hae o honyetse tlasa hae. 'Me mohatsae, ke a kholoa, e ne e le setho sa—sa motsamao oa Anderson Church of God. 'Me ba fallela Louisville, Kentucky, teng ba lula kantle tulong e bitsoang Crestwood, limaele li ka ba mashome a mararo ho tloha Louisville.

⁶⁴ 'Me kōpanong mono odotoriamong, ba ne ba bone ngoana ea neng a jeoaa ke boloetse bona, hoo, a fetoha choko kapa lejoe. 'Me a tšoeroe ke bona, a se a shoele litho, holima linoka tsa hae, a sa khona ho tsamaea, oh, likhoeli tse 'maloa. 'Me e hlaha maotong a hae. A ile a rapelloa, bosiu bo bong, 'me letsatsi le hlahlamang keha a mathela holimō-le-tlase litepising, ka lebelo la bokhoni ba hae.

⁶⁵ 'Me Mongh. Wood a tlisa mora oa hae. Ehlile, ha a ka a kena kōpanong. 'Me hang kamorao ho moo, ka isoa mose ho maoatle, ho ea koo bakeng sa Morena oa rōna. 'Me ho khutleng keha ke tšoere kōpano holimō... ho la Ohio, 'me a tlisa moshanyana, ea bitsoang David. 'Me a lutse koana motšeо, oh, e batla e le halofo ea boloko ba motse.

⁶⁶ 'Me Moea o Halalelang oa kena oa re, "Ho na le monna mona bosiung bona. 'Me eèna le mohatsae ba lutse motšeо koana." Ke eso 'mone bophelong ba ka. Le ho re, "Monna eo, lebitso la hae ke Wood. Ke rakontraka. Moshanyana oa hae o holofalitsoe ke pholio, e khutlahantse setho sa hae. Empa, HO RIALO MORENA, moshanyana o folile."

⁶⁷ Eèna erekaha a sa tloaela tse joalo, moshanyana a lula mono nakoana. 'Me ka mora' nakoana, 'mè oa hae a re, "David, hobaneng u sa eme?" 'Me a ema, moomo o boetse setloaeling joaloka o mong.

⁶⁸ Monna a rekisa khoebo ea hae a fallela ka koano, ho ba moahisane ea mabapi. Oh, ke moena ea khabane haholo! Hoseng ho hong o tsebile ke tla tsoela koano nakoaneng e ekelitsoeng, o a... Ha letsatsi le chaba, ha ke tloha lapeng, keha e le eo, a eme kantle seterateng, a lla joalo; a ntse a kōpa ho palamisoa, ea ka o tla tsamaea le 'na. 'Me a nkopela ka liphaka a tloha a theoha ka tselana. Moena ea khabane hakaalo! Ebile mokhotsi oa sebele ho 'na.

⁶⁹ Re ne re le tlase lebatooeng la Kentucky, re tsoma sehlora, lilemo tse ka bang tharo tse fetileng. 'Me ha hla ha omella. 'Me joale, mang feela oa lōna batho ba bochabela ba tsebang sehlora se sepussoa, sona... se ka rothofatsa Houdini oa mmalehi, ha a bapisoa le sona, ha se tšohile. Ka hona, ke rata ho li tsoma, re li tsoma ka sethunya sa moetso oa .22. 'Me re ne re ile ra tsoma. Phomolong ea liveke li ka ba peli, 'me re thakhositse liahelo

kantle. 'Me koana ho omme haholo. 'Me ha u tsamaea merung o robaka e—e lehlaku feela, mme lethakana leo, oh, banna, shuu, ha u khone ho 'mona feela. O se a nyametse.

⁷⁰ Ka hona Moena Wood a re, "Moena Branham, ke tseba e—e tulo tlase mona e lilomo li tebileng."

⁷¹ Ba tsebang selomo ba bakae? Be, athe le tsoa nqa lefe ea Kentucky? 'Me ba se bitsa joalo tlase Kentucky. Tlase mona ke a kholoa ba se bitsa phororo kapa ho hong, moo metsi a lepellang molatsoaneng. 'Me o lula linqalong tse tebileng tseo, 'me ho sa le mongobo, o ka hata u sa etse le lerata.

⁷² A re, "Empa motsofe oo oa khale ke mohanyetsi, 'me, oh, o hloile bareri." 'Me nkile ka fihla hang pele naheng eo, 'me e ne e le kōpanong.

'Me ka re, "Ke hantle. Uena, na u a mo tseba?"

A re, "O tseba ntate oa ka hantle."

⁷³ Ka re, "Re ka ea mo kōpa, hobane mona ha re tsoe tema ea letho."

⁷⁴ 'Me ra ea koo ka teraka ea hae, ra feta morung, ra theoha ka maralla. Oh, banna! Qetellong ra fihla tulowaneng eo. 'Me metsofe e 'meli e lutse tlasa sefate sa apole. E ka ba Phato oa la 20.

⁷⁵ 'Me a tsoa terakeng, a atamela, a re, "Lebitso la ka ke Wood." Ho re, "'Na ke Banks Wood." A re, "Ke a ipotsa haeba ho ka itōkela ho tsoma setšeng sa hau."

A re, "Ana u moshanyana oa Jim Wood?"

⁷⁶ Joale, ntata'e ke 'mali ho Lipaki tsa Jehova, kapa e ne e eèna. 'Me lelapa lohle le tlile ho Kreste, e mong le e mong, ka lipono. E mong le e mong, ho ba bolella feela se tlang ho hlaha, 'me sa hlaha joalo feela. Oh, nka rata hakakang ho le phethela pale ea lelapa leo, kamoo ba keneng. E mong le e mong oa bana o kene 'Musong oa Molimo joale, ho kolobetsoa ka Moea o Halalelang.

⁷⁷ 'Me eitseha Banks a e amohela, ba habo... batho bohole bahabo ba mo hloboba. Eaba ke phetho. O ne a le kantle.

⁷⁸ Empa, ka bonngoe ka bonngoe, mang le mang oa bona ea fetang, ho re "lumela" ho eèna, Moea o Halalelang oa ba tšoara oa ba bolella lintho, 'me ba kena. 'Me ba tlohe ho ea phethela ba bang. A ntano tla, O ntano 'molella taba, a tle. 'Me lelapa lohle le tlile joalo ho Kreste. 'Me ka hona eitseha re fumana e... ho tsoa ho...

⁷⁹ A tsoa terakeng, 'me a re ho monna. A re, "Ana u mora oa Jim Wood?"

A re, "E."

⁸⁰ Ho re, "Jim Wood ke monna ea tšepehileng. E, monghali. U ka phutholoha. Itsomele moo u batlang."

⁸¹ A re, “Ke a u leboha.” Ho re, “Ke tlide le molisa oa ka.”

⁸² A re, “Wood, ha u re u nyehlile hoo u tlamehang ho jara moreri hohle moo u eang teng?”

⁸³ Ka hopola e ka ba nako ea ka ho tsoa. Ka tsoa terakeng, ka pota ka koana. Oh, banna! (Lōna banna ba tsomang. Balekane ba tsomang le ’na, ke a tseba le teng ka mona.) Ke qaphalelitsoe ke mali ke silafetse, matšoala a batla a lepeletse *hakaalo*, le a tseba; ke sa ka ka tola liveke tse peli, ’me, oh! Ka hona ka tsoa terakeng ka hlakothisa. A nqekolotsa holimo-le-tlase, habeli kapa hararo. Ke a kholoa a nahana, “Ha se le moreri bo!”

Ka re, “U phela joang?”

’Me a re, “U phela joang?”

⁸⁴ ’Me ka hona Mongh. Wood a qala a ntsebisa, ’na . . . molisa oa hae. ’Me a re . . .

⁸⁵ Le pele a fumana monyetla, monna oa motsofe a re, “Be,” a re, “Ke tla u bolella hantle hona joale.” A re, “’Na ke—’na ke mohanyetsi. Ha ke okhelane mollo le mathaka a kang lōna, ba ipitsang bareri.”

Ka re, “E, monghali. Ke hantle.” Ka re, “Esale mohopolo oo.”

’Me a re, “Be, u a tseba, ’na ke mohanyetsi.”

⁸⁶ Ka re, “Ha ke kholoe ho le boholoka ho iphafa ka seo. U nahana joalo?”

A re, “Be, ha ke nahane joalo.”

⁸⁷ Ka re, ka nahana pelōng ea ka, “Morena, haeba U kile oa nthusa, U e etse joale.”

⁸⁸ Motsofe e mong ea lutseng mono, a sa bue letho. Likatiba tsa khale tse boboraneng, ha ke tsebe eng . . . Le a tseba keng, li rokiloe ka khareng ea thoaene, le a tseba. ’Me ba lula mono nakoana.

⁸⁹ ’Me a re, “Na le tseba khohlano ea ka le lōna mathaka ting? Le bohola sefate se phoso.”

⁹⁰ Ba ba kae ba tsebang polelo eo, “ho bohola sefate se phoso”? Ke ntja e leshano, le a tseba, e bohola sefate se phoso. Phoofolo e khale e tlohile mono. Ha ho letho holimō mono. Le a bona?

⁹¹ A re ke hona, “Lōna mathaka ting le bohola holimo sefateng. Ha ho letho holimō mane,” ka mantsoe a mang. “Le bua ka Molimo, ha ho ntho e kang Molimo.”

“Be,” ka re, “ehlile, rona re a e lumela.”

A re, “Be, lōna mohlomong, empa e seng ’na.”

Ka re, “Be, ho itōketse.”

⁹² ’Me a re, “U bona chommela eo ea khale leralleng?”

Ka re, “E, monghali.”

⁹³ Ho re, “Ke hlahetse holimō mane.” Le ho re, “Tulo ena e hahiloe ke ntate tlase mona. Re theohile ke le lilemo tse leshome-tshelela. Ka morao ho lefu la ntate, ka nka sebaka sena. Ke holisitse lelapa la ka. Mona ke phetse lilemo tse mashomesupa-tšeleta kapa mashomesupa-robeli, kapa ntho e joalo, lilemo.” A re, “Ke shebile molebe, letsatsi ka leng, lipakapakeng. Ke qamakile hohle merung. Ka qamaka hohle mobung. ’Me ha ke eso bone letho le kang Molimo.”

Ka re, “Be, ho hobe haholo.”

⁹⁴ ’Me a re, “Ka baka leo ke hopola lōna mathaka ting le bohola sefate se phoso.”

⁹⁵ Ka re, “E, monghali.” ’Me eaba ntho e a etsahala. Ka sheba holimo sefateng. Ka sheba fatše, ’me sefate se behile. Ka re, “Na nka khola apole e ngoe?”

⁹⁶ A re, “Phutholoha. Li qetoa ke libakana-tšebla.” Le a tseba libakana-tšebla ke ling, ke a kholoa.

⁹⁷ Ka hona ka—ka theoha, ’me ka khola e ’ngoe ea liapole, ka e hohla leotong la marikhoe, le a tseba. ’Me ka e loma. Ka re, “Ke apole e monate eo.”

A re, “E, eona e monate.”

Ka re, “Lilemo tsa sefate seo li kae?”

⁹⁸ A re, “Ke lemme sefate seo mona. Ha re boneng, ke lilemo tse mashonne-supā, mashonne-robeli, ntho e kang eo.” Ho re, “Ke se jetse e sa le lehlomelana feela.” Ho re, “Ke se chekile kae-kae, hole nqa e ’ngoe, ka se tlisa mona.”

Ka re, “E, monghali.” ’Me ka re, “Ana se beha selemo se seng le se seng?”

⁹⁹ “Se beha liapole tse monate selemo ka seng.” Ho re, “Mono re khola liapole tse ngata.”

¹⁰⁰ Le ho re, “Be, ho a babatseha. Ke thabetse ho utloa hoo.” ’Me ka re, “U a tseba, mona esale la leshome le metso e mehlano Phato.” Ka re, “Mofuthu ekaba mashome a robong ka linako tsohle tlasa moriti.” Ka re, “Ho a makatsa ha mahlaku ao ohle a foforeha sefateng seo, athe ha re eso fumane serame sa letho.”

¹⁰¹ ’Me a re, “Oh, ke ntho—ke ntho, lero le khutletse motsong.”

“Oh,” ka re, “na ho joalo?”

A re, “E.”

Ka re, “Ebe le khutlela motsong, ka lebaka lefe?”

¹⁰² A re, “Be, ha le ka lula holimō mane, mariha a ka le bolaea.”

Ka re, “Ho bolaea eng?”

¹⁰³ A re, “Sefate. Lefi la bophelo le kahara lero leo, le a theoha ’me le ipata metsong.”

Ka re, "Oh." Ka re, "Joale, na ebe hoo...Ho ka thoeng ka..."

A re, "Be," a re, "hase ntho e sa tloaeleheng."

'Me ka re, "Che, che. Ke boitšebetso ba tlaho."

¹⁰⁴ A re, "U a tseba, ke batla ho u bolella taba." A re, "Pele u tsoelapele, ke batla ho bua sena. Nkile ka utloela ka moreri khetlo le leng, nka rata ho mo utloa hang. Ha a ka fihla naheng ena hape, ke batla ho mo utloa."

Ka re, "Oh? Hoo ho hote," ka rialo.

¹⁰⁵ A re, "O ne a le ka mona Acton lilemong tse ka bang peli tse fetileng letšolong ka holima e—e litša Methodise kantle mane, liahelo tsa Methodise tsa ho kampa."

¹⁰⁶ 'Me Banks a sheba. Ka retolohela ho Banks, Ka... Eo ke, Moena Wood. Ka re...

¹⁰⁷ 'Me a re, "Ke lebala lebitso la monna eo joale." Ho re, "U a tseba, o ne a eso le behe naheng ena pele." Le ho re, "Leleiti le tsofetseng," motho e mong, "le lulang holimo mona bohole bo ka etsang maele, holima leralla." Ho re, "O ne a bolaoa ke mofetše. 'Me ba ne ba mo rometse Louisville, limaele tse lekholo le mashome a mabeli, 'me lingaka tsa mo seha. 'Me mpa ea hae eohle e hometsoe, mala le lintho tsohle, ke mofetše. 'Me ba ke ke ba mo thusa ka letho." Le ho re, "Eaba ba tlisa... ba mo rokella 'me ba mo khutlisa. 'Me 'na le mohatsa ka re ea mo hloela letsatsi le letsatsi. 'Me ba sa khone ho mo phahamisa hape; ra tlameha ho hula lesela le huloang ho fetola liphate tsa hae." Le ho re, "Esale re nyolohela mono liveke tse 'maloa." A mo shebeletse ho shoa bosiu bofe, kapa nako efe. Le ho re, "Khaitseli ea hae e lula motšeо holima mocha o mong." Le a tseba, le e bitsa joalo, tlase mono. Ha se tsela; ke mocha. "Koana mocheng oo."

¹⁰⁸ Ke utloile motho a tšeа. Ka mona ho tletse MaKentucky feela. Koana... Be, ke hlahetse tulong e bitsoang Little Renox tlase mane. Ntatemoholo o ne a lula Big Renox, e hlahletsang Bombshell. Bombshell Creek e phallela hantle kahara Little Renox, e ntsoa ka Lekala la Casey, e ntano phallela hantle kahara Cumberland River. Joale, ke mose oane ho Greenbrier Ridge. 'Mè oa ka o hlahetse mono, holimo Greenbrier Ridge.

¹⁰⁹ 'Me o itse, "Mosali enoa o ne a lula tulong e 'ngoe." Le ho re, "Ekaba limaele tse mashome a mabeli ho tloha mona. 'Me eaba o fihla bosiung boo, 'me a lutse motšeо ka morao ho setša seo sa ho kampa." Le ho re, "Moreri enoa, mohla a nyolohetseng holimō mono, o rapella bakuli." Le ho re, "O ne a bolella batho hore ke bomang, le sohle ka eona."

¹¹⁰ Ho re, "Mosali enoa o kene hamorao, 'me a sa fumana likaretse tseo ba li abang."

¹¹¹ Le ho re, "Moreri enoa a retolohela ho èena, le ho 'molella, le ho re, 'U a tseba, uena, leleiti le lutseng morao mane, u *Sekete-*

le-sekete. 'Me bosius bona ha u tloha lapeng, u suntse sakatuku bukaneng ea hau, se takiloeng setšoantšo se bolou k'honeng ea sona.' Ho re, 'Me lebitso la khaitseli ea hau ke *Sekete-kete*.' Le ho re, 'O bolaoa ke mofetše oa mala.' Ke sa tsoa e bona ponong. Joale, nka sakatuku seo, 'me u se behe holim'a hae. 'Me, 'HO RIALO MORENA, o tla folisoa.'

¹¹² A re, "Me leleiti... Bosiung boo, ra utloa lerata le harolang letsoalo, holim'a leralla. Ka hopola ba bitsitse Salvation Army holimo mane," a rialo, "ho ella khitla ea bosiu. 'Me ra hopola motsofe oa leleiti a shoele."

¹¹³ 'Me a re, "U a tseba keng? Eaba 'na le mohatsa ka re nyoloha letsatsi le hlahlamang, ho bona haeba re ka tselisa, hoseng haholo. 'Me ke eo o ne a lutse tafoleng, a tšoere pitsa ea kofi, a ntse a tsel a kofi feela, 'me eèna le monna oa hae ba ntse ba ej a borakefese ba diphae tsa apole ea khoeli e sekheeqe." Ka re...

¹¹⁴ Ba ba kae ba tsebang seo diphae tsa khoeli e sekheeqe li leng sona? Le a tseba, ke lapeng hona joale. Seo e ne e le feela... ke li ba rata, 'me ke rata ho li nyanyatsa ka sirapa ea sorgame. 'Me ke tsomme hohle mona ke batla sirapa ea sorgame. 'Me ha nka khutlela mona hape, ke tla itlela le nkho feela, hoba ke batla ke sa khone ho phela kantle le eona. 'Me le a tseba, ke—ke e neta haholo, kahobane ke batla ke le Mobaptise, le a tseba. Ha ke—ke—ke rate hofafatsa likuku tseo. Ke li kolobetsa kaofela ha tsona, haboima bo. 'Me ke... Ka hona ke li tsel a ka sirapa, ha boima.

Ka hona a re, "A ntse a ej a ntho eo." Ka re...

Ka nahana, "Ena ke eona."

Ka re, "Joale, ehlile ha u rialo."

¹¹⁵ "Be," a re, "nyolohela mono o iponele." Ho re, "Ekaba lilemo tse peli tse fetileng." Le ho re, "Ha a etse mesebetsi ea hae feela; o etsa le mosebetsi oa moahisane." Joale, le a bona, o ne a rerela 'na nakong eo.

¹¹⁶ Le a tseba, mama o n'a re, "Fa khomo lerapo le lekaneng, e tla iphanyeha." Ho batla ho le joalo. A kenya leoto la hae molomong oa hae, khetlong leo, ha a re—a re, "Nyolohela mono 'me u shebe."

¹¹⁷ Ka re, "Joale, sheba, monghali. U re lingaka li sehile mosali eo tsa mo fihlela a tšoeroe ke mofetše?"

"Ke hantle."

¹¹⁸ 'Me ka re, "'Me a rokiroe a koetsoe?' 'Me u re monna eo mono, ea leng limaele tse leshome le metso e mehlano ho tloha mona, o bone mosali eo 'me a 'molella se tla etsahala ha ba beha sakatuku seo? 'Me eaba mosali o hlola mofetše oo?"

Ho re, "Nyolohela mono hantle. Ke tla u laela ho fihla joang mono."

¹¹⁹ Ka re, “Che, che. Ke nka lentsoe la hau.” Ka re, “Ke nka lentsoe la hau.” Ka re, “E, monghali. Yaa.”

¹²⁰ Ke ntse ke ejá apole ena, le a tseba, ka linako tsohle, ke e hlafuna. Ka re, “Eo ke apole e monate.” Ka re, “Ke batla ho u botsa potso. Lero leo le chochiloe keng ho falla sefateng le theohela metsong?”

¹²¹ “Khele,” a re, “le ne le tlamehile joalo, ho pholosa bophelo ba lona mariha.”

¹²² Ka re, “Isao le khutla hape, se u hlahisetsa lesihla le leng la liapole?”

“Hantle.”

¹²³ ’Me ka re, “Joale ke batla ho u botsa taba. Ke bohlale bofe bo phallisang lero leo, ho re, ‘Mona, hoetla e thoasitse. Khutlela metsong u ipate. Ha u sa etse, mariha a tla u bolaea. Khutlela metsong u lule mono hofihlela selemo. ’Me ha ho futhumala ’me ho lōka hantle, joale khutla u behele mothaka enoa liapole tse ling?’ Joale, u a tseba hore boo ke bophelo ba limela. Ha e a rua bohlale ba bona. Le hona, mpolelle bohlale bo phallisetsang bophelo boo tlase metsong oa sefate seo. Ha se a rua bohlale ba sona.”

A re, “Eo ke tlhaho feela.”

¹²⁴ Ka re, “Nka nkho ea metsi, u e behe holima thupa eane kantle mane, sheba haeba tlhaho e tla bo phallisetsa tlase mohla hoetla ea selemo, le ho bo busa selemo. U a bona? Che, monghali. Ke eng?”

¹²⁵ Joale, kathoko motsotso feela. Ke tsela ea Molimo e hlahisitoeng. Bo laoloa feela kamoo Molimo o bo hlophisetsang. Puonyana e re, “Theohela metsong,” ’me bo a theoha. Joale, bo etsa joalo kantle ho bohlale bofe. Rōna re tlameha ho etsang, ka oona Molimo o buang le rōna? Rōna, empa re na le tōkelo ea ho hana kapa ho amohela, ’me, hangata, re a hana. Sefate ha se khone ho hana. Se tseba temalo e le ’ngoe feela, eona, ke ho utloa Mong’ a sona.

“Be,” a re, “ha ke eso e nahane pele.”

¹²⁶ Ka re, “Ke tla u bolella. Ak’o e nahane, halelele, re sa ea tsoma. ’Me mohla ke khutlileng, u mpolelle hore ke eng...ke hofe ho bolellang lero leo la sefate ho theohela metsong, le ho hlola mariha, le ho khutla selemo se latèlang. Mohla u fumaneng bohlale bo laolang bophelo boo—boo ba sefate, le ho re, ‘Theohela metsong, ’me u khutle hape,’ ke tla u re ho uena ke bona Bohlale bo mpoleletseng, ‘ho ea beha sakatuku seo holim’ a mosali, ’me o tla phela.’”

A re, “Bolella uena?”

¹²⁷ Ka re, “E, monghali.” Ka re, “Lebitso la monna eo e ne e le mang? U sa hopola na?”

A re, "Ha ke le hopole."

Ka re, "E ne e se Branham?"

A re, "Ke lona leo."

Ka re, "Ke Moena Branham."

¹²⁸ Eaba o phahama nqalong eo, a ntšoara ka matsoho. A re, "Hang bophelong ba ka, ke bona seo u se bolelang." Ke ile ka mo tataisetsa ho Kreste.

¹²⁹ Ke ke ne theohetse mono ngoahola. O se a iketse, o hlokahetse. Mehauhelo ea Molimo! Mohatsae o ne a lutse tlasa sefate, a ebola liapole, tsa sefate sona seo. Ka nyoloha ka re, "Na nka ea tsoma?"

A re, "Ha re lumelle ho tsoma ha letho."

¹³⁰ Ka re, "Ke masoabi." Ke—ke—ke itse, "Ke hopotse ke fuoe tumello."

A re, "U fuoe tumello ke mang?"

Ka re, "Mohatsao."

'Me a re, "Mohatsa ka o shoele."

Ka re, "O sa tsoa shoa, eèna ha ke re?"

Ho re, "E. Ha a eso fe batho tumello."

¹³¹ Ka re, "Kantle tlasa sefate sona sena sa apole . . . Ngoahola, ha ke theohetse mona, 'me re ntse re qoqa ka sefate sena."

A re, "Na u Moena Branham?"

Ka re, "E."

¹³² A liha pane ea apole. A re, "Moena Branham, o shoele ka tlholo ea Jesu Kreste, bopaking ba hae ba ho qetela."

¹³³ Ke eng? Ho bona feela, ha se ho leka ho itsoapa ka lipalo tsohle kamoo e etsahalang, empa nthoana e sa tsebisahaleng feela, ea ho boha Molimo o betla tsela, 'me ntho e lula tseleng. Le a bona, bona Bohlale bo laelang sefate se semumu, "Theoha u pate bophelo ba hau," e ne e le bona Bona Bo bontšitseng pono ea mosali. 'Me a e tšoara. 'Me ha a khona ho e latola, efe feela. Sefate se ne se eme mono, le mosali e le eo. Amen. Le a bona? Tsela e hlahisitsoeng ke Molimo!

¹³⁴ Ha ba eso sibolle tsela e molengoana ho ntša tsuanyana khaketlaneng ea lehe, ho feta ho kobola e tsoa. Ha ba eso sibolle tsela e molengoana. Mahlale ha a eso hlahiise letho. Ha u ka pshatla khaketlana, ho e ntša, e ka e bolaea. E tla shoa. E tšoanela ho sala tsela ea Molimo e hlahisitsoeng, ho ka phela. Amen. E sebetsa joalo le bathong, hape.

¹³⁵ E hlometsoe. Na u kile oa bona tsuanyana ha e tsoa khaketlaneng? E tlatselitsoe, molongoana holima khaketlana ea eona, phalonyana e sooana. 'Me mothaka ka mono, hang feela ha bophelo bo qala bo fihla, e a qala e oma-oma hloohoana ea eona.

Hoo ho etsang? Sefali seo se hohla khaketlana, se e etsa tsesane. 'Me e hahlameloa ke bophelo ho feta, e qala e kobola ka nthoana eo. 'Me hoba e tsoe khaketlaneng, ha e sa se hloka, se a foforeha se oela fatše.

¹³⁶ 'Me ho etsang hoo, ke tsireletso ntlhaneng ea molongoana oa eona. Holane ho se joalo, molongoana o ka holofala, e ke ke ea khona ho thonaka lithollo tsa eona. Oh, banna! Tsela ea Molimo e hlahisitoeng ho iphelisa! Molimo o a e hlophysa, mokhoa oa ho tsoa mono feela. Ha ho tsela e molengoana. Ntho efe e ka e bolaea. E tšoanelia ho tla ka tsela e babaletsoeng ke Molimo. Ha u leka ho iqapela tsela ea mofuta kapa ho iqalla tsela ea mofuta, u tla e bolaea.

¹³⁷ Ke bona bothata ba kereke ea Bokreste kajeno. E lekile ho amohela tsela ea maiqapelo a mofuta, ho e na le ho phunya tsela ea bona, ho kena 'Musong oa Molimo. E ile ea leka tsela ea mofuta, 'me e ke ke ea sebetsa. U tla bolaea mokuli oa hau. U bolaea lesea la hau—la hau—la hau, lesea la Molimo, ka ho leka ho qapa tsela ea mofuta. "Oh, moolo ona mona le ho lla ha li hlokahale. *Sena* sohle ha se hlokahale, *sena* sohle." Oh, e, ho joalo. "Ho shoa hona ha ho hlokahale."

¹³⁸ Ha lefu le sa hlahe, tsoalo e ke ke ea hlahisa. Tsoalo e hlahisoa feela ke motloang oa lefu. "Ekareha tlhaku ea koro e sa oele mobung ea shoa, e itulela e inotši." E tšoanelia ho bola, le ho kena tšenyelehong, 'me bophelo bo rutloloha ho tsoa mono. E ke ke ea sebetsa ka tsela ese. Pele e tšoanelia ho bola, le ho senyeha. 'Me le röna le tšoanetse joalo; ho ichoella le ho tsoaloa bocha ke Moea o Halalelang.

¹³⁹ Che, ha ba eso qapele tsuanyana tsela e molengoana ho tsoa khaketlaneng, haese ho kobola e tsoa. Ke tsela ea Molimo e hlahisitolsoeng eona, 'me e hlometsoe ho e finyella. Molimo o ke ke oa hlahisa tsela o sa hlomele ka sebetsa. Ka hona O hlahisitse tsela, le ho hlomela tsuanyana ka sehlomo ho itšoasolla. Amen.

¹⁴⁰ Joale, ha ba eso fumanele matata le makau mohopolo o molengoana ho fallela boroa, a tsoa leboea, e fetang ho phutheha le ho fofa a theoha. Ha ho mokhoa o mong. Le a bona, pele a fofa a theohela boroa, kapa a tsoa boroa a fofa a khutlela leboea, a phutheha, pele. Pele a falla litšeng kapa malapeng a oona, ho fallela lehaeng le lecha, a phutheha. Le linotši li sebetsa joalo. Li a phutheha. Eo ke tlhaho. Ke eng? Li tšoara tsoseletso. Tsohle li phutheha 'moho ho teana. Ha u eso utloe lerata le joalo bophelong ba hau le ka mohla.

¹⁴¹ Le pele re ka falla leahong lena, ho ea ho le lecha, re tlameha ho phutheha tsoseletsong.

¹⁴² Oh, ha u kena hara sehlapha sa matata le makau, ha u eso utloe ho holoketsa hakaalo bophelong ba hau. A tšoere eng? Tsoseletso. A ntse a itökisetsa ho thakhoha ho ea sebakeng. Amen.

¹⁴³ Re hloka seo kajeno, ke 'moka oa tsoseletso. Ha ho mokhoa o mong; hase ka lengolo la botho. Molimo ha u bale bongata. O bala botšepehi tseleng ea Oona e hlasisitsoeng.

¹⁴⁴ Joale, ha ba eso fumane letho ho e fapanyetsa. Ho ke ke ha hlaha tsela e molengoana. Joale, ho tea mohlala holane mahlale a ka re, "Matatana a batho. Ha re batle ha a phutheha hape. 'Me re tla a hlahlala kahara letlooa, pele a itlhophisetsa ho phutheha. 'Me re tla a qhoba re a kole hantle, re nt oo a thotha re a theolela boroa."

¹⁴⁵ Ho tšoana, le ho ba qhoba u ba hlahlala mokhatlong oa mofuta kapa se seng, le a tseba, ho mo thothela nqa e 'ngoe. O tseleng ea hae o isoa hlabong. O itseba a habile hlabong ha a hlahleloa serobeng. Empa ha a tsamaea ka tsela e hlasisitsoeng ke Molimo, o hole le seo. Ka hona, mohlomong ke ne sa tšoanela ho rialo. Ke ne ke sa e lekanya ho—ho ba nyefolo khahlano le mokhatlo. Empa le tseba seo ke se bolelang. Mohlomong ke phetho . . .

¹⁴⁶ Hase tsela ea ho e sebetsa. U ke ke oa mathela mokhatlong, 'me oa ikoalla serobeng le ho re, "Na ke Methodise, kapa Baptise," kapa se seng. Hase eona. Che, che.

¹⁴⁷ U tlameha ho phutheha. Ke hantle. U tlameha ho fihla moo u ka kobolang oa phunyeletsa.

¹⁴⁸ Ana, ha a phutheha, 'me a kena serobeng sena. 'Me—'me ha a . . . Haeba a etsa, a itseba a kene tseleng ea ona ea hlabo.

¹⁴⁹ Empa, joale, haeba le ka a hlahlala ohle, oa a qhoba oa a kenya hokong, oa a thothela boroa, oa a lokolla. Ka hona, pele a itlhophisetsa ho phutheha, o ntano a tšoasa ka letlooa. "Ha re lumele matsatsi a mehlolo." Le a bona? "Lõna matatana, ha le sa tla fofa le ka mohla. E ne e baletsoe matata a mongoaha o mong." Ha feela Molimo o ntse o bopa letata, O a bopa a tšoana kaofela. 'Me ha Molimo o betlela letata tsela ea ho falla, matata ohle a amohela tsela eo.

¹⁵⁰ 'Me na le a tseba e ka etsang? Qetellong e tla bolaea letata leo. Le tla ba foqo-foqo hakaale, ha le ka ke la mela lipheo ka tšoanelo. Le ka sitoa ho fofa hape. Le itšoanela le motsoala'e lona oa jarete, limpa tshole 'me ho se letata. Le a bona? Ha e a mela mapheo ho iphamis ka ona. Ke hantle. Le a bona? E tla ba foqo-foqo joaloka motsoala lona oa jarete, baena bahabo ba mokha oa bolumeli ha ba khathe tema. Le a bona? Ke hantle. Le a bona? Ke hantle. Ke phetho seo le tlang ho fetoha sona, lefoqo-foqo la khale. Le ke ke la tseba letho ka ho fofa ka bolokolohi. Amen.

¹⁵¹ Ke bona bothata kajeno. Re leka ho ba hlahlala serobeng, le ho ba bolella, "Matsatsi a mehlolo a fetile. 'Me a ke ke a itšepe, ho tlosa maoto a hae fatše. Hoo ho ka 'molaea. A ke ke a phela halelele haholo."

¹⁵² Empa, le a tseba, letatana leo le ka re, holane la arabela, “Che, ke a u leboha.”

¹⁵³ “Oh, ho bonolo. Ha u a tlameha ho etsa letho. U ka iphelela ka boithatelo ba hau.”

¹⁵⁴ Le ne le tla re, “Ke a u leboha. Ke hlile ke itšoara ka boithatelo ba ka, hobane ntho e teng e ahileng ka ho ‘na, e futhang. Amen. ’Me ke tšoanelo ho itšoara ka boithatelo ba ka.” Le motho mang ea tsoetsoeng ke Moea oa Molimo, ntho e teng e futhang ka ho eèna. O tlameha ho rurela maholimõng, maikutlo a mofuta, ntho e itseng e nètefatsang hoo.

¹⁵⁵ Qetellong mothoana eo a ka fetoha khoho, nonyana e ruuoang lapeng. E ka sitoa ho phahamisa maoto a eona mobung hape. Ka hona khoho ha e ka rura sebakeng khafetsa, khele, e ka ikela hantle. E ka rurela bochabela, bophirima, leboea, le boroa, le ho bona lintho.

¹⁵⁶ ’Me ntho e ’ngoe, le a bona, le ke ke la atleha feela. Hobane, tseleng e tsoang Canada, le thonaka lithepa tsa mefuta-futa, lijo tseo le ke keng la li thola holane u le hlahlertse serobeng, ho le fepa lithollo feela ka linako tsohle. Ana le khona ho bala lipakeng tsa mela? Ha u ka mo lulisa mono, ho itsebela Tumelo ea Baapostola feela, eo ho thoeng ke eona, le ho tsamaea sekolo sa Sontaha, ’me e batla e le phetho; ho lefa moreri, le ho phela ka boithatelo ba hae.

¹⁵⁷ Empa, oh, ha u rura, amen, ha u rura, u itholla ho fetang tumeloana ea bolumeli. U thonaka lifithamini, lifithamini tsa moea tse ahang ’mele o koenneng, o tletseng mesifa, o metseng masiba a mapheo ho u phahamisa ka maoto le ho u bontša lintho tse tlang ho tla. Moea o Halalelang, “Mohla Eo, Moea o Halalelang a tlileng, O tla le bontša lintho tsena, ho le senolela lintho tsena tseo Ke le boleletseng tsona; le ho le bontša lintho tse tlang.” E. Che, u ke ke oa mo hlahlela oa mo qhautsa. E ke ke ea sebetsa. Che. Ha u ka mo hlahlela, u habile hlabo.

¹⁵⁸ Hape motho a ke ke a khetha tselana e molengoana ho le feta. U ka tloha oa re, “Joale, Mongh. Letata, ke tla u bolella taba. U nkile tselana e phoso. U tšoanelo ho tšela le *mona*, ho fetola tselana ea hau. Theoha ka lebopo ka *mona*, e feta moo. E molengoana ho feta tselana u e nkileng.” E ke ke ea sebetsa feela. Che. Che. Ba ikhopola ba tseba tselana e molengoana ho feta tselana eo Molimo a ba hlahiselitseng eona. Empa, ba tseba.

¹⁵⁹ Kapa, na u ka a thonyetsa moetapele ea molengoana ho feta moetapele eo Molimo a hlahiselitseng oona? ’Me motho a ke ke a khona ho thonya bishopo le ka mohla, kapa mokhatlo, kapa ntho efe e ka fapanjetsang boetapele ba Moea o Halalelang ho Kereke. Ha ho letho le ka e phethisang. Tsela e hlahiselitseng ke Molimo! Molimo o ba hlahiselitse tsela, Moetapele, Moetapele ea bululetsoeng.

¹⁶⁰ Mme moetapele eo o bululetsoe. Khele, ke a shebeletse khafetsa, ha ke kena letšolong la ho tsoma pele ho nako, haeba ke batla nku kapa ho hong u tšoanelo ho tloha pele ho nako, holimo lithabeng. 'Me le serame se eso lale. Mohlomong, holimō mono, thaba e ka roala lehloana. Moeana o batang oo o ka haola o theoha thaba. Moetapele ea tsoetsoeng ka tlhaho o teng hara oona. O tla mathela holim'a letša leo hantle joalo, le ho honotha hane kapa hahlano, 'me 'moka o qale hona moo. E, monghali. Ohle a mo tseba. Ba mo tseba ka ho honotha ha hae. Oh, banna!

¹⁶¹ Na le tseba seo ke buileng ka sona maobane bosiu, terompeta ea Evangelī, efèla ha e hlāhisa molumo o leketlang. Molumo oa eona o sa butšoelē e un- . . . Ha e butšoelē molumo o leketlang. Ke matata a mannete. A tseba sello sa letata. Holane oa beha khaka ea khale kantle mono, kapa kalakunu? Mohonotho oa eona ha u utloahale hantle. Li tseba sello sa moetapele.

¹⁶² 'Me kereke e tlameha ho e tseba. "Ho ba le sebopēho sa borapeli, ho latola matla a jona," le ba joalo, se ba lumelle ho etella pele. "Bahalefi, bakaki, ba ratang menate ea lefatše ho feta ho rata Molimo, ba se nang ho tšepeha, baetselletsi, ba sa khoneng ho itšoara," le ba hloeang ba matata a rurang. Le a bona? Na le bona seo ke se bolelang?

¹⁶³ Ba—ba tseba molumo oa Evangelī ea bona. "Linku tsa Ka li tseba Puo ea Ka." [Sekheo lebanteng—Mohl.] "Osele li ke ke tsa mo latèla." Molimo o e kholisa kamehla.

¹⁶⁴ Lemohang, joale. 'Me a ke ke a nka e . . . U ke ke oa a khethela. Hola u ka tsoela mono, 'me oa re, "Oh, beang butse motsotsō, lōna matatana. Le hlile le a fosa. Mokokoana o motle oa motonana ke ona. Khele, o tšoaneloa ke bokhosī hara lōna. 'Me na le tseba seo ke tlang ho se etsa? Ke tla mo tšela metsana hloohong ea oona, 'me ke tla mo hlomamisa. Ke tla mo etsa Khosi Letata. 'Me ke tla mo roetsa moqhaka, ke mo apese ka ho fapanā hanyenyane, hore bohole le mo tsebe. Le sale mothaka enoa morao kamehla, hobane o masene." Ho mo lokolla holim'a letša. A ka honotha ka bokhoni ba matla a hae. Letata le leng le le leng le tla mo furalla, hoba o hlāhisa molumo o sa khethoeng. Yaa.

¹⁶⁵ Empa ak'o lumelle letatana leo le thontsoeng ke Molimo ho ba moetapele, e re le honothe, 'me o a shebe ohle ha a phuthehela tsoseletsō. "Moo setopo se leng teng, lintsu li tla bokana teng." O tseba sohle ka eona. Le a bona? Ka hona O—O hlāhisitse tselā. 'Me matata a tseba tsela e hlāhisitsoeng. Ho hobe ha motho a sa khone. Ke hantle. Empa e etsahala joalo, joale. Ho lokile.

¹⁶⁶ Efèla ha e le moetapele-letata le bululetsoeng, o tla a fihlisa nqalong e babaletsoeng oona ke Molimo. 'Me holane ra mamela feela seo Moetapele a se bolelang, Moea o Halalelang, O tla re busetsa hantle Lentsoeng hape. Ke eona tsela e babaletsoeng ke Molimo. Tseleng joalo ha re hloke litumeloana le mekha ea malumeli, le littlamatlama tse hlahla. Re hloka ho ja joang bo

ikhethang le liloana tsa matata, matata a etsa joalo, ha a ntse a theoha. 'Me lijo li teng tseo... Bonneta, e—e leng lipalesa tsa Molimo, libopiloeng tse habileng leholimōng li a ja tseleng, 'me hoo ke, "Motho a ke ke a phela ke bohobe bo inotši, feela le ka Lentsoe le leng le le leng le tsoang molomong oa Molimo." Le a bona?

¹⁶⁷ Letata leo, moetapele-letata, o tla a isa nqalang e babaletsoeng ke Molimo, ka kotloloho feela ho ea Louisiana. Athe, e mong oa bana a ke ke a tseba moo a eang teng, ho nyolohela holimō mane le ho likoloha.

¹⁶⁸ Ha ke bala makasini oa *Life*, lilemo tse batlileng ho ba 'ne kapa hlano tse fetileng, mokoko oa khale o kile oa simolla le sehlopha holimō mono. 'Me oa itlaleha moetapele. 'Me ntho ea pele le a tseba, a iphihlela a honyeletse Engelane, le joale ha eso khutle. Ke hantle. Ka hona a tlameha ho shebisisa mofuta oa letata kapa mokoko a o latèlang. Ka hona ba re, koana Engelane... Bahonothi bao ke maCanada, le bona. Eaba a fihla koana Engelane, le tikolohong eohle, a bokana, empa ha a tsebe tsela e khutlang. Oh, banna!

¹⁶⁹ Ho hobe hobane kereke e bapetse kabelo eo haholo, le eona, e latètse ea khelohela nqalang, ha ba tsebe mokhoa oa ho khutla. Ho re, "Be, re... ke utloisia nkhono a boletse, mehleng nkhono o tlalehile nkhona'e a itse, ba ne ba tloaetse ho tšoara litšebeletso tsa pholiso kerekeng. Matsatsi ao a mehlolo a fetile," ho lesa motho ho le faposetsa mocheng o phoso. Ho mpe ho latèloe tsela e bululetsoeng ke Molimo, eona feela tsela.

¹⁷⁰ Lemohang, letatana lena, ha ho mang ea kileng a khona ho a kenya tseleng e fapaneng. A tseba moetapelenyana eo a tla a tataisetsa nqalang e hlahisitsoeng ke Molimo ka tšoanelo. 'Me ebe o e khona joang? Ka lihromo tsa hae tse hlahisitsoeng se-Molimo. Linaka tsa lona li lula li peraletse, ka linako tsohle, le rōna re lōketse joalo, ho qhautsa Moea, linaka tsa rōna tsa moea.

¹⁷¹ Joale, re mo fihlela a rurela holimō lefau-faung, holimō koana sebakeng. O hlahlabalitse lenaka la hae. O tseba lijo tseo matatana a tšoanelang ho phela ka tsona, ho fofa leetong lena. E ee e re ha a sibolla lethoana mobung, u tla mmona a tloha a sesa, a ntano theoha. Sehlopha sohle se tla theoha hantle, se ntoo itaha moketeng oa li-ea-ka-maleng. 'Me o tla honotha, ebe a rurela lefau-faung a tloseletse hape, ho toba boroa ka kotloloho. Ke hantle. Moetapele oa Molimo, moetapele oa Molimo bakeng sa matata. Ke hantle.

¹⁷² Ke batla ho bua taba e 'ngoe. Le a tseba, ha ba eso sibolle ka mahlale, ho qapela lesea mokhoa o molengoana ho fumana seo le se batlang haese ka ho se llela. Le a tseba, ba ke ke ba mo rupella ho luma-luma. 'Me ha ba khone ho le ruta ho bua ka potlako. Empa na le tseba kamoo le e fumanang kateng? Le ikhethela tsela e hlahiselitsoeng lona ke Molimo. Le a e llela, ho

hloliea, le ho rahaka, le ho meketsa hofihlela le e fumane. Le a bona? Ke hantle. Ke eona feela tsela, ke ho e llela. Ha ba fumane tsela e molengoana ho feta tsela e hlasisitsoeng ke Molimo. Ke hantle. Le tloheleng feela. 'Me lintho tseo tsa tlhaho . . .

¹⁷³ Nkile ka khefutsa, nakoana e fetileng mona, koana Jeremane, ka qoqa le seholphahali sa batho. 'Me ka re, "Molato ke'ng ka lōna Majereman? Le a tseba, ha ke theoha ka seterata, ntja e bohotse, 'me e bohotse ka Englishi." Ka re, "Tlase mane kantle koloing 'mè a ntse a leka ho sunya lesea la hae sethetsa, nakoana e fetileng, 'me le ne le lla, 'me le llile ka Englishi." Ka re, "Hobaneng rōna bohole re futahana hakana? Le a bona? Li nka tsela e hlasisitsoeng ke Molimo. Atha rōna re tsoa toreng ea Babele, le a bona, re ile ra futahana ka bottlalo." Ke hantle!

¹⁷⁴ Ho tseba tsela e hlasisitsoeng ke Molimo e le tsela e fetisang. Ha ba tsebe mokhoa o molengoana ho fumana seo le se batlang haese ho se llela. Joalokaha Ngk. Bosworth a ne a tloaetse ho bua, "Ngoana ea sa lleng o shoela tharing." Ho lutse ho le joalo.

¹⁷⁵ E sebetsa joalo le ho bana ba Molimo. Nka e tšoants̄etsa lōna. Monna o a ema, holim'a, ho re, a ntse a hlafuna boroku ba hae ka bokhabane, "U a tseba, Ntate, ke 'na enoa bosuing bona. Ha U batla ho 'neha Moea o Halalelang, ho lokile. Ke 'na enoa. Empa ha U batla ho mpholisa, ke lutse mona. Empa ha U sa etse, khele, ho itōketse. Ke thato ea Hau, Morena." O se a ngotse thato, mona Bibeleng. "Thato ea Hau ke ena." Ho lokile. Thato ea Oona ke ena, hantle *mona*. "'Me ha U batla hobane nka o fumana, ke tla o fumana. Empa, koana, ha U sa batle, khele, e itōketse." U ke ke oa khatha tema.

¹⁷⁶ Empa eo ha a fihla mono 'me a lla, joaloka Buddy Robinson. O ile a emisa mokhubung oa tšimo. A bofa moulu oa hae. A re, "Morena, ha U sa mphe Moea o Halalelang, mohla O khutlang o tliilo fumana mona ho robetse qubu ea masapo. Ke tla lula mona ke be ke O fumane." Ke khoebo eo.

¹⁷⁷ Kamehla Molimo o thoholetsa batho ba Hae, bana ba Oona ba lumelang, kamehla ho kena tseleng ea Oona e hlophisitsoeng. Oo ke monahano oa Molimo, ho khothaletsa bana ba Oona, tsela ea Oona e hlasisitsoeng. Llela seo u se hlokang. O batla hore u lle.

¹⁷⁸ Mohla Petrose a neng a qala, a tsamaea holim'a metsi, o ile a nahana a sebetsa hantle haholo. "Na le a bona ke sebetsa hantle ha kae?" A qala a teba. Ha a ka a re, "Be, ke a kholoa ke hlolehile," a theohela botebong, lipululana tse 'maloa tsa biloha, eaba ke phetho. Le a bona? Che, che.

¹⁷⁹ O ile a hooeletsa, "Morena, mpholose." Amen. 'Me letsoho leo la Bosafeleng la nanabela la mo nyolla hape. Hobaneng? O ile a hooeletsa.

¹⁸⁰ Ke bona bothata ba kereke. Ha re lle mono halelele ho lekana. Ha re hooeletse halelele ho lekana. Ha re e tiisetse. Ha lesea le

batla ntho, le tla rahaka le meketse, le retela sefahleho. Re tšaba ho tlosa (ke eng, le e bitsang?) mascara sefahlehong sa rōna, kapa e ka bang eng, ferefe eo. Ha u fumana—u fumana seo u se batlang ho Molimo, u tla e qamacholla, le hona. Ka hona, ha u a tlameha ho touta ka eona. Moriri oa hau u tla hlekenna, empa ha e etse phapang ea letho. Che. Che, monghali.

¹⁸¹ Joale, Molimo ha u a re lebella ho O atamela ka puo e itseng ea bohlalefi. Ke sa hopola ke se leka mohla ke lekang ho pholosoa. Ke tla Mo ngolla lengolo le ho le qhoaela merung, kahobane ke Mo tsebile a tla feta merung ho mpolella. Ho 'Molella hoba ke a itšoabela, 'me ke—ke ne ke sa batle ho e etsa. 'Me ka theohela mono ho rapela. Ka re, "Joale, ha re boneng. Ke bone setšoantšo khetlo le leng, ba phuthile matsoho a bona *tjena*." Ka re, "Mongh. Jesu, ke lakatsa ha U ka tla mona motsotso. Ke batla ho bua le Uena motsotso feela. Ke mametse." Ho se motho. Ka re, "Ke e fositse. Ho lokile. Mongh. Jesu, mohlomong ke tlameha ho e etsa *tjena*." Ka re, "Mongh. Jesu, na U ka tla nthusa? Ke moetsalibe. Ke batla ho bua le Uena motsotso." Ha ho motho ea tlang. Ka phutha matsoho a ka. Ka re, "Mongh. Jesu, na U ka tla mona? Ke batla... ke utloa batho ba re, 'Molimo o buile le 'na.'" Ka re, "Mongh. Jesu, na U ka tla mona? Ke batla ho bua le Uena."

¹⁸² Ehlide, liabolosi a fihla temeng. O e sebetsa joalo. A ka re ho uena, "Mangole a hau a opa. Ho kōpa ha ho hlokahale, u a bona. U ka ema, u tla e fumana hosane bosiu." Kamehla o haufi ha u se malala-a-laotsoe. Eaba o re ho 'na... Empa kamehla, seo a se buang, sebelisa monyetla oa seo a se buang. Sebelisa monyetla oa sona.

¹⁸³ A re ho 'na, "U a tseba ke'ng? U lilemo tse leshome le metso e robong, kapa mashome a mabeli." Ho re, "U se u le lilemo tse mashome a mabeli. U e lebalisitse ho feta tekano."

¹⁸⁴ Ka re, "Oho Molimo, ke e liehisitse ho feta tekano. Morena, esita le Uena ha u nkutloe, ke tla U bolella, le hona. Haesale ke batlile ho etsa sena." Oh, moena, seo sa Mo fihlisa temeng. Le a bona? E ne e le eng? Ho lla, habonolo feela. Ho lla! "Morena Jesu, U e tšepisitse, Morena." A fihla temeng.

¹⁸⁵ Ke oo mokhoa oa ho Mo hulela temeng. U lesea feela. Lla, ak'o e llele.

¹⁸⁶ U se leke ho rialo, be, ntho ea mofuta, e 'ngoe, le thapelo ea boikoetliso e ngotsoeng, ea hora kapa tse peli. Ha e thusetho.

¹⁸⁷ Joalokaha ba re, "Na u entse thapelo?" Che. Ke sebe ho etsa e 'ngoe. U e rapele. U se ke oa e etsa. Rapela e 'ngoe. "Nketsetse thapelo."

¹⁸⁸ Ka re, "Se nkisetse eona. U ka nthapella, empa se etse thapelo ea letho." Che, monghali. Che. Feela, nthapelle ha u rapela. Ho lokile.

¹⁸⁹ Llela litlhoko tsa hau. Ke eo tsela e hlahisitsoeng ke Molimo. Na Jesu ha a e hlalosa mohla A buileng ka moahloli ea sa lōkang, ho mosali ea llileng motšehe le bosiu? Hakakang Ntate ea Maholimōng o tla ba nea Moea ba O llelang, motšehe le bosiu? Batlang, le 'ne le batle. Kokotang, lulang le kokota. Le lule hofihlela A butse. Le e tiisetse. Lila hofihlela Lentsoe la pallo le nètefatsoa, e tla ba u e fumane. Ha u sa lōketse ho touta. U bona Bibele e tsepisa seo, lula mono hantle u lle hofihlela u e fumana.

¹⁹⁰ Ha lesea le bona kheiki le e batla, ke ho lla feela, le ho lla, le ho lla, le ho batolaka, ho raha, le ho meketsa, le ho hholiea, le ho retela sefahleho. Mammi oa hae o mo tlela k'heiki, 'me ke phetho. Le a bona? O fumane seo a se boneng, seo a se batlileng. Haeba a batla ho nyeka lebejanapo la hau, o tla tsosa morusu hofihlela a le fumane. Le a bona?

¹⁹¹ Be, re tlameha ho sebetsa joalo. Ha nka bona tsepiso ka Bibeleng e leng Lentsoe la Molimo, ke itulela mono ke e llela hofihlela Molimo a mpha eona. 'Me O tla e phethisa, ho u tlosa matsohong a Hae; le a bona, mono ke tlhahong. Empa O batla hore u e etse. O rata ha u kōpa. "Kōpang haholo thabo tsa lōna li tle li tlale." Yaa. Yaa.

¹⁹² Lla hofihlela Lentsoe la Oona le nètefalitsoe. Joale, motsoalle, ha re shebeng motsotsotso feela joale. Lla hofihlela Lentsoe le netèfalitsoe.

¹⁹³ Bothata ba eona, re fumana k'heiki re nahana ke phetho se leng teng. Tafole e tletse sohle. Re fihla moo re buang ka lipuo, re re, "Oh, moena, ke eona." Oh, che. Hase eona. Ke e nngoe ea tsona feela. Ke hantle. "Oh, ke nyakalla hoo ke hlabang litlatse." Liloana tse ling hape li teng. Liloana tsa eona li ngata. Lula u lla feela, hofihlela . . .

¹⁹⁴ Ke tsela ea Molimo e hlahiselitsoeng batho ba Oona. Kamehla tsela ea Molimo e hlahiselitsoeng ke ho nka Lentsoe la Oona le ho Le tiisetsa hofihlela Le nètefaletsoa uena. Joale, na le ntšetse morao? Molimo, tsela e hlahisitsoeng, tiisetsa tsepiso hofihlela e bonahalitsoe ho uena.

¹⁹⁵ 'Me, le hopole, taba ena ke e ngola rekotong. Ho re, tsepiso efe ea Molimo Bibeleng, haeba . . . E theiloe holim'a lipehelo joale. Kahobane feela u e lumela e le joalo, hoo ha ho e phethise.

¹⁹⁶ Bafarisi bao le Basadusi ba ne ba khoesitse borapeli hakaalo ka meetlo eo. Empa Molimo oa re, "Ke lephoka nkong ea Ka." Le a bona? E ne e sa loholloa botsepehi. Ho se letho ho eona le tšoanelehang.

¹⁹⁷ U tlameha ho hloella holim'a motheo oa tsepiso, e ntoo ba holim'a boitšoaro ba hau khahlano le eona.

¹⁹⁸ Shebang baprista bao ba makholo a mane letsatsing leo, kapa baporofeta, bao Akabe a ba bolokileng kantle mane. Ba

re, "Ramothe-gileade ke ea rōna. Joshua, ka Moea o Halalelang, o e abile. 'Me Basiria ba e hapile." 'Me e mong oa baporofeta a re, "Joale, shebang mona, ho latela motheo e lōkile." Joale, e ne e le Mobaptise oa makoma. 'Me o itse, "Ke hantle haholo. Ke tsepiso e eang ka motheo, tsepiso. Lefatše ke la rōna." Ka hona a ipetlela linakahali tse peli, le ho re, "Nyolohela mono, tšoara linaka tsena u thesele Basiria u ba ntshe. Leo ke lefa la Israele." Ke hantle. Ho ea ka motheo, e ne e lōkile.

¹⁹⁹ Empa eaba mothoana Mikea o reng? A re, "Ke bone Israele a qhalane joaloka linku tse se nang molisa." Le a bona?

²⁰⁰ Akabe, moikaketsi eo tlase mane, a lesitse Jesebele ho mo mathisa hohle, ho etsa sohle. Lentsoe la Molimo la makhonthe le neng le tla ka moporofeta, le ne le rohakile nyee eo. Ebe Molimo o ka hlohonolofatsa seo moporofeta a se rohakileng ka Lebitso la Morena? Le a bona? Ho ke ke ha ba joalo.

²⁰¹ Ho sa tsotellehe re sechaba sa borapeli ha kae, motheo oa rōna o mokae, nyee eo e bolile hape e bolile. Ho felile ka eona.

²⁰² Ha ho tsotellehe na bophelo ba mokhatlo oa kereke ea rōna bo bokae, re lumela ho eona, ho hotle, ke hantle, empa nyee eo e bolile. Molimo o li robalitse shelefeng, 'me li robetse mono. 'Me ha ho sekotoana sa nalane se tlalehang efe e kile ea tsoha. Ka hona, e phoso. Ho felile ka eona, e hlakotsoe. Ha e a loka ho hang.

²⁰³ Kamehla Lentsoe la Oona ke seo O batlang ho se bona se nètèfatsoa. Le tla nètèfatsoa holim'a lipehelo tse itseng feela, ke ha u phethisa lipehelo tseo. U bone batho ba khonang ho nka Lentsoe la Molimo 'me ba iphelisetsa eona. 'Me ba bang ba fihla hantle ka lona Lentsoe leo 'me ha ba khone ho etsa letho ka eona. Le holim'a lipehelo. Ke hantle.

²⁰⁴ Shebang mona. Ke tla le supisa mohlala oa eona ka Bileleng. Israele o ne a habile lefatše la pallo. Mona ho fihla Moabe, e beng e le—e le borapeli bona boo, ka nèpo. E le ngoana morali oa Lota. 'Me lemoha mohla Balaame a theohang, Molimo oa bua le èèna. O hahile lialetare li supile, joaloka Israele a hahile lialetare li supile. A rapalatsa lhlabelo tse hloekileng li supile, lipholoana aletareng. Le Israele o entse joalo ka nèpo. 'Me ntho e 'ngoe, a rapalatsa liphelu li supile, ho lekanya Messia ea tlang. Le Israele o e entse ka nèpo. Ho latela motheo, bobeli bo lōkile, ho ea ka motheo. Empa e le holim'a lipehelo. Amen. O sitiloe ho bona tsepiso ea makhonthe ea Molimo.

²⁰⁵ Ho bile joalo ho fihleng ha Kreste. Ntho eo e khutletse mono hape le kajeno. E holim'a lipehelo. Hantle.

²⁰⁶ Jobo. Molimo (ho etsang?) ho hlahisa tsela. Jobo, moporofeta, o ne a hloka motšelisi.

Joale, mamelisang joale. Nako ea ka e baleha.

²⁰⁷ Jobo o hlokile motšelisi. 'Me batho ba lekile ho mo baballa ka eona, 'me ba sitiloe. Kamehla ba fapositse Jobo mocha. Empa

Jobo a khutla hantle. O ne a hloka motšelisi. Molimo oa mo hlahisetsa motšelisi, mohla O mo bontšang pono ea Jesu Kreste. 'Me a meketsa, "Ke a tseba Molopelli oa ka o a phela. Molopelli oa ka," o Mong feels, "me O tla ema lefatšeng matsatsing a bofelo." Joale hopola pono.

U itse, "Molopelli oa ka."

²⁰⁸ Oa mo bontša Kreste. Kreste ke Lentsoe. "Lentsoe le ne le le tšimolohong, mme Lentsoe le ne le le ho Molimo, mme Lentsoe e ne e le Molimo. Mme Lentsoe le ne le etsoe nama la aha har'a rōna." 'Me eareha Jobo, ka ho ba moporofeta . . .

²⁰⁹ Joale mamelang. Jobo, ka ho ba moporofeta, Lentsoe la Morena le tlela (eng?) moporofeta. Ruri. Lentsoe le fihla mono. U tseba joalo haeba e le baporofeta kapa che. Ba tiisetsa Lentsoe. Lentsoe le senoleloa moporofeta. 'Me Jobo e ne e le moporofeta. O sitiloe ho bona qetello, empa eitseha a bona Lentsoe, ka ha e le moporofeta, o itse, "Ke a tseba Molopelli oa ka o a phela," hoba kereke e hbolehe, hoba sohle se hbolehe.

²¹⁰ Esitile le mohatsa'e ea ratehang a mo siteloa, a batla ho mmuisa . . . "Hobaneng u sa tsoelepele oa rohaka Molimo, 'me oa shoa lefu, Jobo?"

²¹¹ O itse, "U bua joaloka mosali ea sethoto. Morena o neile; Morena o nkile; ho bokoe Lebitso la Morena." 'Me lialuma tsa qala tsa rora, le mahalima a tsekema. Moea oa theohela holim'a moporofeta, 'me a bona Lentsoe. Eaba o re, "Ke a tseba Molopelli oa ka o a phela. Matsatsing a bofelo O tla ema lefatšeng. Lehla liboko tsa letlalo li senya 'mele ona, koana ke tla bona Molimo ke le nameng. Amen. Ke tla iponela ka sebele. Mahlo a ka a tla bona, e seng a motho e mong. Ha re a tlisa letho lefatšeng lena, 'me ruri re ke ke ra tloha le letho. Morena o neile; Morena o nkile; ho bokoe Lebitso la Morena." Motšelisi e mokakang! O ne a batlile setho sa kereke; Molimo o mo neile pono. A köpile ho tla tšelisoa ke bishopo, mopresbeteri; Molimo oa fa moporofeta pono. Ke seo a neng a se hlokile.

²¹² Israele e ne e hlokile tsela e tsoang Egepeta. Ba ne ba hlokile tsela ea mofuta, matla a itseng a sesole kapa ho hong, ho ba Holla matsohong a Baegepeta. Molimo oa ba hlahisetsa moporofeta ka Lentsoe la mantla le nètefalitsoeng. Moshe! Ke hantle? Ba ne ba batlile sesole se hlahang ho ba lokolla, le ho fekisa Baegepeta. Empa Molimo oa ba romela Lentsoe, moporofeta ka Lentsoe le nètefalitsoeng leo Molimo o kileng oa le bolella Abrahama, ha ho thoe, "Peō ea hau e tla jaka naheng ese. Empa Ke tla ba etela ka letsoho le matla," Lentsoe leo Molimo o nong o le buile. Ba ne ba tsetselela moloaneli, 'me Molimo oa ba romella moporofeta ka Lentsoe. Molimo o ne o hlophisitse tsela ho ba bolella phapang lipakeng tsa molumeli le mosalamle. 'Me Molimo . . .

²¹³ Joale, ba bang ba bona ba itse, "Be, joale, ha seo a se ka theoha, re tla kena kokelong. Ha seo—a ha seo a se ka tšoha se

oele, le a tseba re tlāng etsa'ng? Re tla romella Ngk. Jones. O tla tseba ho e sebetsa." Ha e a sebetsa ka letho. Koana, ba ne ba le masene. "Be, ha seoa se ka tšoloha, re tla theohela tlas'a lefatše, lehaheng, re koale monyako." E ke ke ea thusa letho. "Re tla lula ka tlung, re ikoahèle sefahleho ka semonkoane, re—re se nyanyatse sebolea-likokoana." Ha e a thusa letho.

²¹⁴ Molimo o hlāhisitse tsela. E. 'Me eona e le (eng?) mali. Molimo o e hlāhisitse, leha e bonahetse e nyatseha, ho nka mali a konyana le ho fafatsa monyako. Koana, Molimo oa e tlaleha e le tsela ea Oona, 'me O a hlomphile. "Bohole ba sa kenang tlas'a mali ba shoele, letsibolo."

²¹⁵ Mohla Nohe a hlokileng tsela e hlōphisitsoeng, ho pholosa ba ntlu ea hae, Molimo o mo laetse ho tea areka. Ekaba bao ba teile liketsoana tsa sesomo. Ke seo batho ba se nahangan kajeno. Empa, le a bona, sena e le seketoana se ikhethang. Ekaba ba teile liketsoana mehleng eo, ho a tšoana le joale, empa sena e le seketoana se ikhethang. E ne e le... Nkutloeng joale. E ne e le seketoana se teiloeng ke Molimo.

²¹⁶ 'Me kereke kajeno e a itšoanel. Eka khona ebe kereke e teiloeng ke Bibe. Boiphihlelo ba ka hase ho ngolisoa ke le setho se khabane ka ho fetisa kerekeng, empa e le boiphihlelo bo teiloeng ka Lentsoe la Molimo. "Mehlolo e tla tsamaea le ba lumelang ke eona ena." Boiphihlelo bo teiloeng se-Molimo, eona feela ntho e tlāng ho nnyolla. Ke eona feela ntho e tlāng ho u nyolla.

²¹⁷ Ntho efe e tlāng ho phahamela seo, ha ke tsotelle bongata, "Ke a tla..." Ho thoe, "Sheba, ke—ke Momethodise ea molemo, Mobaptise, Mopresbeteriene, kapa Mopentekosta." E ke ke ea bolela le letho ho Molimo.

²¹⁸ Eka khona e laeloe se-Molimo. 'Me oo ke Moea o Halalelang, ka Lentsoe. 'Me Moea o Halalelang ha o ka ke oa eletsa ka letho haese Lentsoe, hobane Ke Moea o Halalelang. Banna ba bululetsaeng, oh, ba ngotse Bibe ka Moea o Halalelang, tsela e hlāhisitsoeng ke Molimo.

²¹⁹ Joale, Iseraele o ne a hloka e—e paballo. 'Me Molimo oa ba neha eona, 'me oa khetholla molumeli ho mosalumele. Ho a tšoana le kajeno, molumeli le mosalumele, khethollo.

²²⁰ Moshe, ke lokela ho tlola lintlha tse ngata joale, empa, Moshe, mohlanka oa Molimo ea tšepehileng!

²²¹ Joale mamelang, lōna makhaba a ileng. Bang ba lōna le itšoanel le 'na, le nanarela lilemo tse palamaneng, mamelang.

²²² Moshe o ne a sebelelitse Molimo ka botšepehi. A ile a mamella lipuo tsa bona tsohle, le boDathane ba hlāhileng ba re, "Helang, banna ba bang ba baporofeta ba teng kantle ho uena. Ha u naleli e pel'a khoeli u inotši." Kanthebo, o itsebile a ba kakatleletse Molaetsa oa Molimo. Baetsisi ba hlaha.

Moshe a mpa a re, "Molimo, ebe nka etsa'ng?"

²²³ 'Me A re, "Ikhethet. Ke tla 'metsa ntho eohle. Nkang mare a lõna, le kene mono le shebe le thunyang lipalesa. Le a bona? Ke tla le supisa moprista, hore moporofeta ke mang."

²²⁴ 'Me Moshe o sebelelitse phaposi ea hae ka botšepehi. Mohla a tsofalang, a le lilemo tse lekholo le mashome a mabeli a kile a tsamaea le Molimo ka botšepehi. Lilemo tsena tsohle tse mashome a mane feelleng, a mametslelihloriso tsa mefuta-futa tsa lichaba le batho, molebe. Ebile ho fihla nqalo ea ho shoela. A hloka sebaka ho shoela. Molimo oa hlahisa sebaka sa ho shoela holim'a Lefika.

²²⁵ Oho Molimo, nke ke shoele mono, le 'na, holim'a Lefika. Lefika e ne e le Kreste, le a tseba. Molimo oa baballela Moshe sebaka sa ho shoela. Ke batla hona moo, 'na, ke batla ho shoa. Nke ke shoele ho Kreste.

²²⁶ 'Me hoba a shoe, setopo sa hae se rapame mono, a hloka bafelehetsi. Ka hona Molimo oa hlahisa bafelehetsi, Mangeloi. Hobaneng? E le Oona feela a ka mo thothelang moo a eang teng. Amen. Molimo oa hlahisa bafelehetsi. Ke hantle.

²²⁷ Ke itšepisitse ka Moea o Halalelang, ka Lentsoe, tšepiso. Ha se ho u futhela lepatohali le khabileng. Monna oa morui ba mo sebelelitse joalo, empa a leletsa mahlo a hae liheleng. Le a bona? Ha se mabapi le lepato le khabileng. Ha e etse phapang ea letho. Ke batla ho khetha tsela e hlahisitoeng ke Molimo. "Ba leng ka ho Kreste Molimo o tla ba hlahisa le Oona mohla A tlang." Ke eona pabbo eo. Molimo oa baballela moporofeta oa Oona oa motšepehi sebaka sa ho shoela.

²²⁸ Henoke, hoba a tsamaee le Molimo lilemo tse makholo a mahlano, eaba Molimo oa 'molella, "Henoke, u ke ke ua shoa. Na u batla ho nyolohela koano lapeng? Ana u hopotse lapeng, Henoke?"

A re, "Yaa, Morena. Ke hopotse lapeng."

²²⁹ Ho re, "Ana u phaitse leaho leo la maloetse ka ho lekana?"

A re, "E."

Ho re, "Ke hantle, qala feela u tlose leoto."

²³⁰ Henoke o ne a hloka sehloelello. Molimo oa 'maballela 'milakhõlõ. E ne e le tsela ea Molimo bakeng sa hae. Ho 'maballa ka 'milakhõlõ, nqo holimõ! O ne a sa... O ile a nyoloha hantle feela, ka mokhoa oo. A sa tlameha ho ikopisa hlooho, ho hang. Ho mathela holimõ feela; 'me Moea o Halalelang, o mo latelang, oa mo nyolla. A nyoloha hantle ka 'milakhõlõ oa khalalelo, ho kena 'Musong oa Molimo hantle.

²³¹ Elia, hoba a kharume khahlano le moriri o ponngoeng le lifahleho tse takiloeng, bophelo ba hae bohle, tsa Jesebele eo, mosali oa pele, eëna le mopresidente oa hae ea lebitso-bitso oa

mehla eo, eèna a behetse batho mohlala o mobe 'me a ba khelosa bohole. 'Me—'me, ka tšoanelo, O hopotse a rera taba eo a inotši. A e kakatlela letsatsi kahohle. 'Me a sebetsa ka thata hakaale, a ba a khathala, 'me a batlile ho ea lapeng. 'Me o tsebile Molimo o tsoa Holimõ. A hloka ho hloa ka thapo, ho fihlela Leholimõng, empa Molimo oa mo romela koloi e qhanehiloeng lipere tse peli. Ke eona tsela e hlahisitsoeng ke Molimo ho mo nka. Ekaba o ne a tsomana le thapo, empa Molimo oa romela koloi. E ne e le tsela ea Oona. Joshua . . .

²³² 'Me qetellong ea tsela, 'me eo e ne e le qetello ea Elia. E ne e le Nohe. Eo, ka linako tsohle, e ne e le qetello.

²³³ Joale, Joshua, mohla a fihlileng qetellong ea mocha, ho haola le lehoatata, shebang, o ne a hloka borogo ho tšela Jordane, ho kena lefatšeng la pallo. Molimo . . . Eèna, o ne a hloka borogo. Empa tsela e hlahisitsoeng ke Molimo e ne e le matla, e seng borogo. O rometse matla, 'me A chechisa noka ka santhao. 'Me a tšela mobung o omileng. E ne e le tsela e hlahisitsoeng ke Molimo, e seng borogo. A fumane Engenere e molemo ho feta. Ka hona, O mo romeletse matla, ho honyetsa metsi ka santhao a ba a parola mobung o omileng.

²³⁴ Daniele, ka lebaka la Molimo, a lahleloa lemeneng la litau. O ne a hloka lekhoakhoa, empa Molimo o rometse Lengeloi. Phapang e kakang! E ne e le tsela e hlahisitsoeng ke Molimo. O ne a hloka lekhoakhoa, empa Molimo oa mo neha Lengeloi. Ha se le lekhoakhoa le fetisisang leo! Kamehla O u neha ho khaphatsehang ho feta kõpo ea hau, kamehla. E. O ne a hloka lekhoakhoa; Molimo o mo romeletse Lengeloi.

²³⁵ Bana ba Baheberu, ba hlokile metsana, ho tima mollo oo. Empa Molimo oa ba romela Monna oa bone. E le phetho seo ba se hlokileng. A ba tlamolla matsoho, a qoqa le bona. Ba tsoa lephoka la mollo le sa ba aparela. Ba ne ba hloka metsi; A romela Monna oa bone.

²³⁶ Banna ba bohlale holimõ Babilona, holimõ India, ba tsebile ntho e le mathuleng a ho etsahala. Ba tsebile Khosi e hlahile, 'me ba hlokile tšupakhutla. 'Molimo o ba romeletse naleli ho ba tataisetsa ho Khosi. Le a bona? Ba tsamaile ka tsela e hlahisitsoeng ke Molimo. Ke a kholoa ba bang ba bona ba itse, "Hela, Balthazare, u a tseba, u monna ea phahameng. Na u tlie le tšupakhutlo?"

A re, "Che."

"Be, ebe u tla fihla joang mono?"

"Ke nka tsela e hlahisitsoeng ke Molimo." Ke eona tsela.

"U tla fihla joang mono?"

"Tsela e hlahisitsoeng ke Molimo."

"Ke eng?"

²³⁷ “Naleli eo, ke eona. Ke tsela ea Molimo e hlahiselitsoeng rōna.” Ba ne ba hloka tšupakhetlo, ’me Molimo o ba file naleli.

²³⁸ Lefatše le kile la hloka Mopholosi tsatsi le leng, ’me Molimo oa hlahisa Mora oa Oona. Mohla A tlang, ha A ka a nkeloa hloohong. O ne a sa batloe. Ba ipoletse ba batla Mopholosi. Empa eareha Molimo o e romela ka tsela ea Oona... Ba kōpa khosi; Molimo o ba file Lesea. Ba batlile monna ea matla ho khorola Roma. Molimo o ba file mothoana, Lesea le llang molikong. Le a bona? Empa e ne e le tsela e hlahisitsoeng ke Molimo. Rōna... Empa ha ba e batla kamoo Molimo o batlileng ho e romela. Ba e batla kamoo ba neng ba batlile kateng. Le a bona? Ka hona, ha ho le joalo, ba kene tšenyehong ka ha ba sa amohela tsela ea Oona. Ba bang ba bona ba khonne.

²³⁹ Ena e ne e le nqalo ea tsoalo ea Kereke, e ne e le Pentekosta, hoba Jesu a ba fe thomo ho “E-eang ka lefatše lohle le boelle ‘mopua e mong le e mong Evangeli. Mehlolo e tla tsamaea le ba lumelang ke eona ena.” O ne a ba boleletse hore ba etseng. Ho ba bolella ho nyolohela, motseng oa Jerusalema, le ho ema. Ba ne ba hloka selekane. Ba ne ba hloka selekane. Ba ne ba batlile ho rala sehlomathiso. Molimo o ba file Moea o Halalelang. Oh! Ba ne ba hlokile mokha oa bolumeli, empa Molimo o ba file Moea. Phapang e kakang, kamoo Molimo o e sebetsang! Moea o Halalelang e ne e le tsela ea Molimo e hlahiselitsoeng ho etella Kereke pele, e seng bishopo. Moea o Halalelang, ke eona, e ne e le selekane sa bona. ‘Me ho tloha mohlang oo, ho fihlela lena, esale e le selekane sa ngoana e mong le e mong ea tsoetsoeng-labobeli kannete: Moea o Halalelang.

²⁴⁰ Joale, ka morao ho lilemo tse likete tse peli, metsoalle... Re a koala. Joale, ka morao ho lilemo tse likete tse peli, motho o ikemiselitse ho iketsetsa tsela ea hae. O iketselitse selekane. O iqapetse meralo e entsoeng ke motho. ‘Me o entseng? Ho hlahile, ka eona, koeneho e khōlo ho tloha ‘Neteng. Ba tlohilie ka... Batho ha ba tsebe ba etse’ng. Lihlomathiso, mekha ea malumeli, mekha ea mefuta-futa, litšisimoho, le e mong le e mong, “Bible e bolela sena.” Ba nka karolo *ena* ea Lona, empa ha ba nke karolo *eane* ea Lona. Ha ba sale selekane morao, ka baka leo ba lahleheloa ke khato. ‘Me lilemong tsena tsohle, holim’ a re tšoere mekhatlo e makholo a robong le ho hong e fapaneng ea Bokreste, ‘me e mong o ahlola e mong, ‘me ba re, “*Sena* se lokile, ‘me ba phoso; ‘me *sena* se lokile, ‘me *sane* se phoso,” le joalo-joalo. ‘Me batho ba ferakane hakaale ha ba tsebe se lokileng le se phoso.

²⁴¹ Re hloka’ng? Re hloka ho khutlela khatong, ho khutlela selekaneng. Re hloka’ng? Re hloka pontšo ea makhonthe, ea sebele ea Lengolo ea ’Nete. ’Nete e nētēfalistsoeng ea Evangeli ke seo Kereke e se hlokang bakeng sa nako ena ea qetelo. Molimo o tšepisitse ho ba neha pontšo ea letsatsi lena la ho qetela.

²⁴² Na le hopola mohla Jesu a buang 'me a re, "Mofumahali oa boroa o tla ema letsatsing la qetelo, a tsoe moloko ona"? O tsoile lipheletsong tsa lefatše, ho utloa bohlale ba Solomone. O ne a ruile moea oa temoho. Kamoo a tsoileng hole hakaalo, ho bona moea oo oa temoho! O itse, "E moholo ho Solomone o mona."

²⁴³ O buile, hape, "Joaloka ho e... joaloka moporofeta Jona. Jona, joalokaha a hlotse mpeng ea leruarua matsatsi a mararō le masiu, le mora Motho o tšoanelha ho lula pelōng ea lefatše, matsatsi a mararo le masiu." 'Me O itse, "Moloko o khopo le o mofebi o tla batla pontšo." Haeba ena e se pontšo eo, kapa moloko oo, ha ke tsebe moo o leng teng: moloko o lonya, o khopo, o kenang-kereke, o mofebi. Ba tla batla pontšo, 'me O itse ba tla e fumana. "Hoba joalokaha Jona a hlotse mpeng ea leruarua matsatsi a mararō, le Mora motho o tla hlola pelōng ea lefatše." Empa tsoho e tla hlaha, joalokaha Jona a tsoile mpeng ea leruarua.

²⁴⁴ Malakia, khaalo ea 4, e re tšepisitse matsatsing a qetelo, ha thoe, "Ho tla fihla Molaetsa o tlang ho busetsa lipelō tsa bana Tumelong ea bontate, Tumelo ea mantlha ea bontate." Ba e tšepisitse. Jesu o e tšepisitse. Tumelo ea balumeli ba nako ea qetelo e tla bona pontšo ea mantlha ea Messia. Lemohang. Haeba A tsohile bafung, 'me lihlomathiso li Mo ntšelitse kantle, lilemo tsena tsohle, 'me ba latola 'Nete, ka hona ntho eo re tlamehang ho e sheba, matsatsing a qetelo, ke ho khutlela ho e—e Tumelo ea mantlha, morao Tumelong ea bontate ba mesong ba pentekosta.

²⁴⁵ 'Me ba bone tsoho ea Hae. 'Me kajeno re bona tsoho ea Hae, pontšo ea tsoho ea Hae. Jona, matsatsi a mararo le masiu a lutse maleng a leruarua, 'me a tsoha maleng a leruarua ka letsatsi la boraro. Jesu o tsohile bafung, hoba a qete matsatsi a mararo maleng a lona. Esale A tsamaile kerekeng lilemo tse likete tse peli. Empa O tšepisitse, ka Joele, "Se siiloeng ke marutle, seongoane se se jele. Empa Ke tla khutlisetsa, ho bolela Morena, sohle seo marutle, le seongoane, le tsie, le joalo-joalo, li se jeleng. Ke tla se khutlisetsa matsatsing a qetelo."

²⁴⁶ Moporofeta o boletse, "Leseli le tla chaba nakong ea mantsiboea." Lona letsatsi le chabang bochabela le chaba bophirimela. Haesale e le letsatsi, le lerootho. Ba ile ba ingolisa, 'me ba hloma lihlomathiso le lintho. Empa nakong ea mantsiboea Leseli le tla chaba: lona letsatsi, liphetho tse tšoanang, lipontšo tse tšoanang, meeka e tšoanang, nako ea mantsiboea.

²⁴⁷ Ebe O Ipakile joang e le Messia? Joale, potso ke ena, ka mora lilemo tse likete tse peli ha otloa khahlano le eona, na E sa le Messia? Be, seo A neng a le sona mohlang oo, Baheberu 13:8 e itse, "Ke Oa maobane, kajeno, le kamehla." Seo A neng a le sona mohlang oo, O tlamehile a be sona kajeno. Ebe O Ipakile joang e le Messia? Ho latela Lentsoe la Molimo. "Hoba Molimo o ne o

boletse,” ka Moshe, “Morena Molimo oa lõna o tla le hlahisetsa moporofeta ea joaloka ‘na.”

²⁴⁸ Ka ka baka leo mosali selibeng, eitseha A ’molella libe tsa hae, “Khele,” o itse, “Monghali, ke a lemoha hobane U moporofeta. Re a tseba Messia mohla A tlileng o tla re bolella lintho tsena.”

A re, “Ke ’Na, ea buang le uena.”

²⁴⁹ A matha ka potlako a bolella batho motseng. “Tloong, le bone Monna Ea mpoleletseng seo ke se entseng. Na ha se eèna Messia enoa?” ’Me batho ba e lumetse, hobane ba ne ba emetse pontšo eo ea boMessia, ba hlokile moporofeta lilemo tse makholo a mane.

²⁵⁰ Jesu o itse, “Joaloka matsatsing a Lota, ho tla ba joalo ho tleng ha Mora motho,” mohla Molimo o Itšenolang ka ’mele oa nama, ho ja e—e nama ea namane, ho noa lebese la khomo, le ho lula ka pel’ bona. Molimo, Jehova, Eèna ea bonahetseng ka nama, mokokotlo oa Hae o furaletse tente, le ho bolela seo Sara a se buileng ka tenteng.

²⁵¹ “Leseli le tla chaba nakong ea mantsiboea.” Lentsoe la Molimo le nètefalistsoeng ke pontšo ea letsatsi leo re phelang ho lona. Leseli le tla chaba. ’Me O tsepisitse, ka Malakia 4, ka libaka tse ngata tsa Bibele, ha thoe batho ba nako ea qetelo ba tla bona eona ponahatso eo ba e boneng, hobane A ke ke a fetola pontšo eo. O e tsepisitse.

²⁵² Joale, re Mo utloile a bua lipuo Kalvari. Re Mo bone a etsa lintho tsohle tseo A li entseng. Re bone Kereke ea boapostola morao mono tšimolohong, kamoo Kereke ea boapostola, metsamao ea bona. Re e bona e khutlela hape Kerekeng mona matsatsing a qetelo. Ke eng? Ke Molimo, o nètefatsang, joalokaha O entse ho Moshe, joalokaha O entse mengoaheng. O hlahisitse tsela re tle re se ke ra thetsoa, re tle re tsebe. Jesu o itse, ho Johanne 14:12, “Ea lumelang ho ’Na, lipontšo tseo Ke li etsang, mesebetsi eo Ke e etsang, o tla e etsa le eèna.” E tla be e le eona. Joale, haeba A ile a shoa ’me A shoele, e tla ba mesebetsi eo e khaolitse. Empa haeba A phela hape, e tla ba mesebetsi ea Hae e tsoelapele joaloka mehleng, hoba Ke oa maobane, kajeno, le kamehla. Na le lumela seo? [Phutheho e re, “Amen.”—Mohl.]

²⁵³ Mamelang. E reng ke bue sena. Jesu o pakile hobane E ne e le Messia, ka lipontšo tsa Bibele tsa Messia. O e pakile. E ne e le eèna. Joale, Molimo o ntumelle ho paka joale hore E sa le eena. Na le a e lumela? O ile a e paka. E ne e le eena. O pakile hobane E ne e le eena. E re ’na, ka mohau oa Molimo, ke pake hobane Ke eena. O pakile hore O ne a le joalo. Joale ha re pakeng hore Ke eena. Ke hantle feela seo A se tsepisitseng. Ke seo A se buileng. O e buile joalo. “’Me lipontšo tsena li tla tsamaea le ba lumelang.”

²⁵⁴ Ke eng? Tsela e hlahisitsoeng ke Molimo, tsela ea tsoho. Ntho e ntšang motho bothotong ba hae, ho kena Leseling la Evangel; ho mo tlosa bokong ba bohlalefi, joaloka lebotho le itseng leholo la machini, le ho kokobetsa pelō ea hae pel'a Molimo.

²⁵⁵ "Be," u re, "monna eo o bohlajana, Moena Branham. O apesitsoe digarata tse 'ne. O apesitsoe Bachulara ea Art. O apesitsoe *sena* sohle." Ha ke tsotelle seo a se apereng. O tla tlameha ho lebala sohle seo a ithutileng sona, ho tseba Kreste. Ke hantle. O tla lokela ho ikokobetsa le ho siroha sohle seo lefatše le mo entseng sona.

²⁵⁶ 'Me u ithuta Kreste ka boikokobetso, ho Mo lumela. Ke nako ea mantsiboea. Ke itseng holimō mona, tšimolohong? Ke buile ka eng mona? *Ho Amohela Tsela E Hlahisitsoeng Ke Molimo Nakong Ea Qetelo.* E mong le e mong oa banna bana, nako le nako ho haola le Bibele, ho haola le tlhaho, re bona . . .

²⁵⁷ Joale, Molimo ha o tšoare sefate kajeno, le ho se fetola ntho ese, le hosane ho se fetola ntho ese. Che. O etsa letše hare, kajeno lero le a theoha, hosane le khutla ka tsela e 'ngoe, 'me khetlo le latelang O ba lumella ho momona lerō? Che.

²⁵⁸ O tsitlallela moralo hantle. 'Me e mong le e mong oa banna bana bao re buileng ka bona, ho haola le Bibele, Molimo oa lula le bona mocheng oa Oona ka nepo, ka Lentsoe la Oona hantle. Ha ho le a mong oa bona haese ea ileng a lula Lentsoeng la Oona ka nepo, ho haola le Bibele eohle, holim'a Lentsoe la Oona ka nepo.

²⁵⁹ Ka hona ha u re, "Be, ke holim'a Lentsoe la Oona ka nepo," ke moo O netefatsang seo e le 'Nete.

²⁶⁰ Joale O sa ntse o le mocheng, bosiung bona, holane re ka e lumela feela. Na le tla e etsa? [Phutheho e re, "Amen."—Mohl.]

²⁶¹ Ha re inamiseng lihlooho tsa rōna. Joale, ka tšabo eo le ka e aparang, nakoana feela.

²⁶² Tsela e hlahisitsoeng ke Molimo, hore O fihlise balumeli Tumelong e Hloibilang. Tsela ea Molimo, tsela ea Oona e hlahisitsoeng, ho fihlisa balumeli Tumelong e Hloibilang.

²⁶³ Pele ke memela aletare, ke rata ho bua sena. Ke ikutloa ke tataisoa ho etsa sena. Na batho ba kulang ba teng ka tlung? Phahamisa letsoho la hau.

²⁶⁴ Ke tla le kopa ho thola hleng, ho lula ka khutso, motsots o mong feela hape. Joale, re tla be re tsoile metsotsong e meng mehlano, haeba le ka apara tšabo ea ruri feela.

²⁶⁵ Joale, le a bona, lōna, haeba le ntšitisa, le sitisa motho e mong.

²⁶⁶ Ntho eohle ke e behile tlasa taolo ea Moea o Halalelang. Ke tšoanelo ho e fumana, ho ka phethisa sena. Molimo o entse tšepiso. E ne e se 'na. E ne e le Oona o entseng tšepiso.

²⁶⁷ Joale, ho latela tsebo ea ka, batho ba teng mona bao ke ba tsebang. Ba teng bao ke sa ba tsebeng. Ke hlile ke a ba bona, ke a kholoa, ke tseba batho ba ka bang bane. 'Me e mong oa bona ke Moena Williams mona, le Moena Rose. Ke a ba tseba. 'Mè Sharrit o lutse koana monyako. 'Na, ehlile, ke a mo tseba. Mona Khaitseli Williams o lutse mona. Ke a mo tseba.

²⁶⁸ Le leleiti lena le lutseng hantle mona, mela e ka bang mebeli ka pel'a ka mona, o sebetsa setorong sa thepa e omileng, 'me ke motsoalle oa lelapa. Ha ke tsebe lebitso la hae, empa ke kholoa e le setho sa kereke ea Moena Outlaw mono. Ke a kholoa ho joalo.

²⁶⁹ 'Me ke nt oo bona Moena Dauch le Khaitseli Dauch, ho tsoa Ohio, ea lutseng mona. Ke utloile Moena Sothmann, motše o koana nqa e 'ngoe, a re "amen," nakoana e fetileng. Ke a sheba. E batla e le bohole bao ke ba boneng ke ba tsebang ka mona.

²⁷⁰ Ba kulang har'a lõna ba bakae, 'me le tseba hobane ha ke le tsebe, phahamisang matsoho a lõna, le tsebang hore ha ke tsebe letho ka lõna, phahamisa letsoho la hau. Ho lokile. Le tlameha ho ba le tumelo feela joale le ho lumela.

²⁷¹ Joale, haeba ke le boleletse 'Nete, Molimo o tlameha ho netefatsa Lentsoe leo e le 'Nete. Na ho joalo? E joalo. Joale, eo e tla be e le tsela e hlahisitsoeng ke hona, ho latela seo ke se buileng bosiung bona. Ke tsela ea Molimo e hlahisitsoeng ho le bolella, "*Ena ke 'Nete.*"

²⁷² Hobane, mang le mang ea e tsebang e se ntho e ka etsoang ruri. E tla be e le mohlolo o ke keng oa hlalosa ke mahlale. Ha u ke u hlalosa mohlolo. O a sita ho hlalosa. 'Me ha Molimo o ka bua ka mona, bosiung bona, ho motho a le mong ea ntsebang ke le molata ho bona, le ho ba bolella seo ba se entseng, kapa seo ba neng ba sa tlameha ho se etsa, kapa seo ba tlang ho se etsa, kapa seo ba tlamehang ho se etsa, kapa se seng, joalokaha Jesu a entse mehleng ea Hae mona lefatšeng. O Itsebisitse ho bohole hore eo e ne e le pontsō ea boMessia. Ba tsebang hoo ba ba kae, ba reng, "Amen." [Phutheho e re, "Amen."—Mohl.] Ka hona, kereke e a e lumela. Ke eona feela tsela. Batho, mohla A ne a etsa seo, bao . . .

²⁷³ Mosali o amme qola ea seaparo sa Hae. A retoloha, ho re, "Ke anngoe ke mang?" Ha A mo utloa, ka nama, empa e entsoe ke tumelo ea hae.

²⁷⁴ Joale, u ka fumana tumelo ea mofuta oo, ha u rata, rapela feela le ho re, "Morena Jesu, tlosa pelaelo eohle ho 'na. Tlosa lipelaelo tsa ka, ho ntumella ho lumela sena. Ke na le tlhoko ea cheseho. 'Me ke a tla, bosiung bona, hoba Bibele e re Jesu Kreste ke Moprista e Moholo ea ke keng a sitoa ho angoa ke maikutlo a mahlomola a rōna."

²⁷⁵ Ana le tsebile, pontšo ena, mohlolo ona, ha o eso etsoe nalaneng haesale le lefu la moapostola oa ho qetela? Ke hantle. Ke sa tsoa haola le—le . . . libuka tsohle tsa nalane tseo ke li tsebang, li-Babilona ka Hislop. Ke haotse *Buka ea Foxe ea*

Bashoelatumelo. Ke haotse le bontate ba pele-Nicene, K'hansele ea Nicaea, le kamora-Nicaea. Ke haotse libuka tsohle. Ha ke eso bone sebaka se le seng, nalaneng ea Martin Luther, John Wesley, tsoseletso ea pele, tsoseletso ea Welsh. Haesale ba lla, ba hooeletsa, ho rorisa Molimo, ho feleng e lihetse likhala ka ho bua lipuo. 'Me ena e ne e tlamehile ebe pontšo ea ho qetela. E ne e le ntho ea ho qetela eo Sodoma a e boneng pele a chesoaa.

²⁷⁶ 'Me hopolang, ha A ka a e senolela Sodoma. O e senoletse Abrahama, mokhethoa le mothonggoa. 'Me neo ha e a lebisoo likerekeng tsa lefatše kantle mona, ha u ka lemoha. E lebisitsoe ho Kereke mokhethoa. Ke bona ba folang molemo ho eona. Ke bona ba tlang ho e amohela.

²⁷⁷ Haeba e ka etsoa kantle mane, ba tla bua joalokaha ba buile mohla A neng a e hlakisa, "Ke Belsebule, senoheramahlohonolo." 'Me mang le mang o tseba senoheramahlohonolo, o tseba ntho eo—eo e le ketso ea bohlanya le ho rialo. Ha ba tsebe le molaiana oa pele oa bobali-mohopolo kapa bonohe. Oo ke mosebetsi oa diabolosi, ho leka ho qopitsa mosebetsi oa Molimo.

²⁷⁸ Molimo o bontša moporofeta; diabolosi o tšoere senohe. Ba babeli bao ba bapile haholo. Jesu o itse ho ka thetsang le bona Bakhethoa, ha e le ntho e ka etsoang. Ke 'nete. Re fumana boetsisi bo bo ngata—ngata. O itse, "Joalokaha Jambrese le Jannese ba hanetse Moshe, le banna bana ba likelello tse bolileng, ba lahliloeng ka nqa ea 'Nete. Empa booatla joa bona bo tla pepesoa."

²⁷⁹ Joale, ka Lebitso la Jesu Kreste, Mora Molimo, ke beha letšoelie lena tlas'a bolaoli ba ka, empa bakeng sa Moea o Halalelang, ka Moea o Halalelang, ka Lebitso la Jesu Kreste.

²⁸⁰ Ke a le kōpa, joaloka balumeli, le se ke la phethesela. Lulang ka khutso. 'Me le lumele hobane Jesu Kreste ke oa maobane, kajeno, le kamehla, ke tlide koano ho tsebisa mesebetsi ea Oona le litsela tsa Oona.

²⁸¹ Haesale ke le lekhonono ka lintho tsena, ka lilemo tse leshome-hlano, tse leshome-tšeleta, esale ke kene tšimong. Empa hora e a fihla eo ka eona ntho e tlang ho ba mothating oa ho etsahala. Molaetsa o tla ea sechabeng se seng, bathong ba bang. Empa e re re sa lutse ka pel'a Sefahleho sa Boleng ba Oona bo Halalelang... Kereke e leng Amerika, ke a lumela, e se e batla e bitsitsoe. Ho felile ka eona, E se e hlatsoitsoe, E itōkisitse, Kereke ea makhonthe. Boikaketsi bo sa ntse bo le teng. Empa Kereke ea sebele e ne e le Kereke ea sebele, le ho qaleng, ba tsoetseng labobel, ba neng ba reroe pele ho biletsoa pitsa ea Molimo.

²⁸² Haeba le lumela ka pelō eohle ea lōna, ke le kōpa ho rapela le ho re, "Morena Jesu," ka pelōng ea hau, "e re ke ame kobo ea Hau. 'Me ke tla tseba joang hobane U sa le Moprista e Moholo eo? Bua

le 'na ka lipounama tsa Moena Branham. 'Me haeba a mpoleletse 'Nete, etsoe, ke lumela a entse seo."

²⁸³ Etsa bonneta ba ho bitsa seo thapelong ea hau, hobane O mpoleletse, "Ha u ka khontša batho ho u lumela." Ke eona feela . . . uena . . . Mesebetsi e mengata e meholo O sitiloe ho e etsa, hobane ha ba Mo lumela. Le se lumele ho 'na eka hojane ke Eèna, le mpe le lumele hobane O nthomile. 'Me 'na ke mona ho bonahatsa Eèna. O pakile hore O ne a le teng. Molimo o nthuse ho kholisa hobane O teng o tsohile bafung, Messia, oa maobane, kajeno, le kamehla.

²⁸⁴ Joale lulang thapelong. Ke ntse ke shebile 'me ke letile. Rapelang feela. 'Me ha Morena a ka aba sena, le ho le pakela hore ena ke pontšo ea nako ea qetelo, na le tla tsamaea Leseling? Na le tla Mo lumela, ho ba le tumelo ho Eèna? Ha A shebe tšobotsi ea motho. E bang le tumelo feela, ho ea joalo feela, hohle. Joale, e re le sa inamisitse lihlooho tsa lóna, ke ntse ke leboha Morena.

²⁸⁵ Leseli leo le le bonang setšoantšong ke lena. O kahara phaposi ena hantle joale. 'Me ke Le bona pel'a mosali ea lutseng ho la ka le letona. O ntse a rapella mora ea khathatsong. Se belaele feela. E ba le tumelo.

²⁸⁶ Mosali o letsohong la ka le letšehali mona, 'me o tšohile. O tšohile hore o tšoeroe ke mofetše. E mo khohlophile haholo. Ke tšepa hore a ke ke a e fosa. Mosali esale a leka, nako e telelele, ho hatella ho kena. O tšohile. Ha a tsoe mona. O tsoa motseng o mong. 'Me motse ke motsana o monyenyané ho ona, leha koana o le boroa ho tsoa mona. O lephakong la thaba. Ke Tucson. Lebitso la leleiti ke Mof. Bach. U a lumela na? Na u tla amohela pholiso ea hau? Ho lokile. U se hhole u tšoha. Tumelo ea hau e a u phelisa.

²⁸⁷ Leleti le bitsoang Mof. Hushey. Se lebale. Molimo o ka kholisa hoba mora eo ha a molato, ha u ka lumela ka pelō eohle ea hau. Se belaele. E ba le tumelo. Lumela.

²⁸⁸ Leleiti le lutseng ka mona lehlakoreng mona ka letsohong la ka le letona, o jeo a ke bothata ba pelō. Lebitso la hae ke Mof. Cloud. Ha u ka lumela ka pelō eohle ea hau, ho amohela pholiso ea hau, Molimo o Matlahohle o tla u phelisa. Na u tla e lumela? Ho lokile. U lumele ka pelō eohle ea hau.

²⁸⁹ Leleiti motšeо koana ho le letona la ka mona, moleng o ho le letona, o apere mose o lerootho. Mof. Yates, lumela ka pelō eohle ea hau, 'me bothata ba hau ba mokokotlo bo tla u lesa. Oh, banna!

²⁹⁰ Le a Mo rata na? [Phutheho e re, "Amen."—Mohl.] Le a Mo lumela na? ["Amen."] Na ebe e sa le Oa maobane, kajeno, le kamehla? ["Amen."] Joale, haeba A paka seo, 'me le se bona se lòkile, 'me batho bao ba tla paka hore ha ke eso ba bone bophelong ba ka.

²⁹¹ Empa, shebang, joale, ha le ka amohela lentsoe la ka ka seo ke se buang, ha le ka lumela ka pelō eohle ea lōna le ho behana matsoho holimō, le tla fola ha le ka e lumela ka pelō eohle ea lōna. Ke pontšo ea nako ea qetelo.

²⁹² Joale behanang matsoho, lōna ba tlang ho rapellana. Ha u le moetsalibe, ipolele libe. Ha u oele mohaung, ipolele hore u phoso. Ha u kula, ipolele hobane u batla ho folisoa, le ho re, “Ke a U lumela, Molimo.”

²⁹³ Joale, Bibele ha e a re, “Ke lithapelo tsa William Branham feela tse tla e phethisa.” Empa O itse, “Mehlolo e tla teela ba lumelang hare e tla ba eona ena. Ekare ha ba beha bakuli matsoho, ba tla fola.” Na le lumela seo? [Phutheho e re, “Amen.”—Mohl.]

²⁹⁴ Joale, ke makhetlo a mang, ke bile le lōna nako e kae, Phoenix? Mona e ka ba lilemo tse leshome le metso e supileng, esale ke tla koano. Na le kile la e bona e pakoa ka phoso le hang? Na kamehla e hlahile ka tšoanelo eo Moea o Halalelang o e buileng kateng. [Phutheho e re, “Amen.”—Mohl.] Ka makhetlo a likete tse atisoang ka likete, le ka makhetlo a mangata-ngata; ke makhetlo a makae lefatše ka bophara, lichabeng tsohle, le mefuta, lipuo, le batho; ke Jesu Kreste, e seng moena oa lōna. ‘Me ke le qotsesa Lentsoe la Hae. “Mehlolo ena e tla tsamaea le ba lumelang. Ha ba Bea bakuli matsoho, ba tla fola.”

²⁹⁵ Joale behang motho matsoho le ba rapelle. Le se ke . . . Le se ke la ithapella joale, hobane ba ntse ba le rapella. Le ba rapelle. ‘Me joale ha re inamiseng lihlooho tsa rōna ka pel’ a Sefahleho se holimō-limo sa Jesu Kreste, Ea Ipakang har’ a rōna. Joale, Ke Molimo oa lōna, joalokaha E le Molimo oa ka. Joale rapela ka mokhoa oa hau kereke ea hau. Rapella motho ea u behileng matsoho. Le uena u ba rapelle, le ho lumela Molimo.

²⁹⁶ Ipolerleng libe tsa lōna, le re, “Ke phoso, Morena. Esale ke le mobelaeli; ha ke sa tla ba eena. Hona joale ke lumela U tla mpholisa.”

²⁹⁷ “Folisa motho enoa, Morena. Folisa mosali enoa. Folisa monna enoa. Folisa mosali enoa. Folisa lesea lena. Folisa mosetsana, mohlankana.”

²⁹⁸ Oho Morena Molimo, ‘Mopi oa maholimō le lefatše, ebe re ka lula mona joang, Morena? Sena se tlameha ho re tlisa Tumelong e Hloibilang, matla a Molimo a tlang ho haola le letšoelé lena lohle, Morena, ho kena liphahameng tse holimō, le tsa khanya ea Molimo.

²⁹⁹ E re diabolosi, esale a holehile batho bana, a ba lokolle; holim’ a e—e tšepiso ea Molimo eo ke e lumelang, holim’ a Bibele eo ke e rutang, holim’ a Molimo O pakang hoba eo ke Bibele, o pakang hoba Ke Molimo oa Bibele. Ka mora lilemo tse likete tse peli, O sa ntse a phela har’ a rōna bosius bona, o tsohile bafung, oa maobane, kajeno, le kamehla. Holim’ a motheo oa Mali a Hae a

tšolotsoeng, le Boleng ba Hae bo phelang, Boteng, ka mora lilemo tse likete tse peli, ke qholotsa diabolosi le moea oa hae ohle oa boqhoala le maloetse, ho lokolla batho bana, ka Lebitso la Jesu Kreste. Tsoa ho bona, ba tle ba lokolohe. Lokolla moetsalibe eo. Lokolla eo ea oeleng mohaung. Lokolla monna kapa mosali eo ea kulang. Ke tseka pholiso ea bona, pholoso ea bona, ka Lebitso la Jesu Kreste, Mora Molimo. Ba tlohele, uena moea o litšila, o khopo, o sa hloekang oa ho se lumele le pelaelo. Tsoa kerekeng ena, sehlopheng sa batho bana, ka Lebitso la Jesu Kreste. Amen.

³⁰⁰ Ke a lumela. Ke a lumela ho rapetsoe thapelo ea tumelo. Ke batla hore le etse se seng joale. Hantle moo u leng teng, tsetela ankora kelellong ea hau, “Hantle mona setulong sena, bosiung bona, mohla ke neng ke eme ‘me ke utloa Lentsoe, ho bona Molimo o nètefatsa Lentsoe la Oona, ho Le paka le lòkile, ke rapeletsoe thapelo ea tumelo. Ha diabolosi a ka leka ho mpolella hape hore ke a kula, kapa ntho efe e phoso, ke tla mo khutlisetsa hantle ankoreng ena. Hona joale ke rapeletsoe thapelo ea tumelo, ‘me ke pholositsoe boloetseng ba ka. Ke pholositsoe libeng tsa ka. Ke ngoana oa Molimo, ‘me ha ke sa tla khotsofatsa mashano a diabolosi. Ke mohlanka oa Molimo ea lokolohileng.” Amen. Na le tla e etsa? E reng, “Amen.” [Phutheho e re, “Amen.”—Mohl.] Phahamisa letsoho la hau ‘me u re, “Ke a e lumela.” [“Ke a e lumela.”] Amen. Amen.

³⁰¹ Ho ‘na, e a e batalatsa. Mosebetsi o phethiloe. Ho phethehile. Molimo o boletse joalo, ‘me seo se a e paka. A ka etsa’ng haese ho nètefatsa Lentsoe la Hae? Haeba A ’netefaletsa lona, A ka u nètefaletsa lona. Le lumela seo? [Phutheho e re, “Amen.”—Mohl.] Ho lokile.

³⁰² Ha re emeng ka maoto a rōna re Mo rorise, ka hona, ho lebisa ho Oona thoriso le khanya eohle. Amen. Ho lokile. Khanya ho Molimo!

³⁰³ Ke a U leboha, Morena Jesu. Re a U rata. Re a U rorisa. Re amohela lintho tsena. Re a lumela hobane U re etsetsa tsona joale. Uena U Mopholosi oa rōna. U Mofolisi oa rōna, ‘me re U rata ke hona. Ho bokoe Lebitso la Morena, kamehla le mehla. Amohela batho bana, Morena, ‘me e be bahlanka ba Hau ho qala joale ho ea pele, ka Lebitso la Jesu.

Molimo a le hlohonolofatse.



HO AMOHELA TSELÀ EA MOLIMO E
HLOPHISITSOENG NAKONG EA QETELO SST63-0115
(Accepting God's Provided Way At The End Time)

Molaetsa wona, ka Moena William Marrion Branham, o rerilwe sethatong ka Senyesemane Labobedi mantsiboya, Pherekong 15, 1963 mane Church Of All Nations, Phoenix, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org